

Rau Tau Paulus Iboode Pa Yes Korin Imin Maata 1 Korin—1 Corinthians

¹⁻² Yau Paulus. Maaron ipoi ghau namin le, ve ighur ghau namin mbanjoona to Yesu Krisi itaghon i tauu loolo. Yeiru tonvetaz toit Sostenes nibood rau tane ilat pa yam tau aleep ila lupuun to Maaron izi nugh Korin na. Yam apaak Yesu Krisi ve aleep ila tooni, tauta amin tamtamon tooni patabuyaana wa. I ipoi gham amin le, leso ataghon ngar patabuyaana imin i tauu. Ve yam mon mako. I igham tauvene pa tamtamon tisov to nughmarina tau tisunsaun ila Tiina toit Yesu Krisi eeza na. I tiina toozi, ve tiina toit paam. *

³ Poia to Tamaan Maaron ve Tiina toit Yesu Krisi izaa tsiam, ve tingin gham aleep poia toman lolomim luuma. Onoon.

Paulus ipait Maaron pasaa i ighur poia tooni tiina izaa to yes Korin

⁴ Saawe isov, yau napait Maaron payam toman lolog poia. Pasaa, ila uraat to Yesu Krisi, Maaron ighur poia tooni tiina izaa tsiam. ⁵ Yam tau apaak Krisi ve aleep ila tooni na, Maaron Avuvu irei ngar popoia maata maata katini payam. Tauta aghazoon pa ngar popoia naol, ve avovotia Maaron aliina ila eez maata maata. *

⁶ Maaron Avuvu igham uraat toman tapiri ila somim. Tauta aghilaal aghe saveen to Krisi tau

* **1:1-2:** 1Kor 6:11; 2Tim 1:9 * **1:5:** 1Kor 12:7+; 2Kor 8:7

nisavia payam na, ene onoon, ve akisi ariaaŋ.
⁷ Tauvene aazne, ambool pa tapiri, ma ŋgar poia
 eta tau Maaron Avuvu ireii pait ne mako. Ve
 asasaŋan aghe le aghita saawe to Tiina toit Yesu
 Kriŋi imuul ilam ve Maaron itotoia ivot ighazonŋ.
 *

⁸ Maaron tauu pale ipalot gham, ve igham gham
 ayooz ariaaŋ le azaa pa saawe tau i ighuru payam
 na. Leso saawe tau Tiina toit Yesu Kriŋi imuul
 ilam, i aat ighit gham ighe lemim sosor eta mako.
⁹ Iit irau tanumeer Maaron. Pasaa, i itataghon
 saveeŋ tooni irau saawe. Ve ipoi gham gha yamŋa
 Naatu Yesu Kriŋi avalupu gham amin eemon wa.
 *

*Paulus isaav ariaaŋ pa yes Korin ighe tivarewai
 zi sov*

¹⁰ Yam tonŋvetaz, yau naghe napalot gham ila
 Tiina toit Yesu Kriŋi eeza tauvene: Avarewai gham
 sov. Yam asov alup lolomim ve ŋgar tsiam imin
 eemon, ve azuari gham pa taghoniinŋ ŋgar eemon.
 *

¹¹ Yam tonŋvetaz, yau nasavia saveeŋ tane pasaa,
 Kloe tamtamon tooni siriv tilam, ve tipaesia varu-
 mim payau tighe parzoraanŋ naol ivotvot ila so-
 somim. ¹² Ene nasavia ŋgar tsiam tau avavalaghi
 gham, ve yam siriv asavsaav aghe: “Yau nataghon
 Paulus,” ve siriv aghe: “Yau nataghon Apolos,” ve
 siriv aghe: “Yau nataghon Petrus,” ve yam siriv
 aghe: “Yau nataghon Kriŋi.” Ŋgar tana, yam asov
 aghamghamu. *

* **1:7:** Pil 3:20; 1Tes 1:10; Tit 2:13 * **1:9:** Pil 1:6; 1Tes 5:23+; 1Pe
 5:10 * **1:10:** Ro 12:16; Pil 1:27, 2:2; 1Pe 3:8 * **1:12:** 1Kor 3:4+

¹³ Mindai, yam aghe avalagh Krisi imin ŋgiira ŋgiira? Ma aghe yau Paulus naghām niamim, ve tirav ghau izala ai pambaroon payam? Ma yam aghām yaa pa yau ezag? Mako. ¹⁴ Yau napait Maaron toman lolog poia pasaa, naghām yaa pa yam eval mako. Naghām yaa pa Krispus ve Gaius mon.*

¹⁵ Tauvene tamtamon eta irau isaav ighe: “Yei tane nighām yaa pa Paulus eeza.” Vene mako.

¹⁶ O, ŋgarig gha matag ingal. Yau naghām yaa pa Stepanas ve yes tau tileep tomania ila ruum tooni na paam. Ve yam siriv, lolog iveegh. Naghām yaa payam, ma mako? *

¹⁷ Puughu tau yau naghām yaa pa yam eval mako, ene vene: Krisi imbaan ghau to naghām yaa pa tamtamon mako. I imbaan ghau to navotia vaaru poia. Ve i ighe saawe tau navotia vaaru poia, yau irau nasaav imin yes ŋgara to taan tau tighamghām pa tauzi ezazi ne mako. Pa ighe naghām tauvene, ene pale narav matin ai pambaroon to Krisi tapiri, ve tamtamon tighita ai pambaroon tooni imin kaut sorok.*

Mateegh to Krisi izala ai pambaroon itotoi ighe Maaron ŋgar tooni, ene ite kat pa ŋgar to iit tamtamon

¹⁸ Onoon, saveen tau isavia mateegh to Krisi izala ai pambaroon, yes tau titaghon eez to tilalez na, tighita tighē ene saveen to yes kankanooŋa. Eemon iit tau Maaron ighamghām uratōi ghiit

* **1:14:** Mban 18:8; Ro 16:23
1Kor 2:1+

* **1:16:** 1Kor 16:15

* **1:17:**

to igham mulin ghiit ne, taghilaal taghe: Saveen tawe, Maaron tapiri igheen ila. *

¹⁹ Saveenja, Maaron isavia gha tibooode pataghaan wa. Ighe:

“Zeran ngara to taan, yau aat navaghamunia ngar toozi le tivaghamgham.

Yes tau tighe tighazon kat pa ngar tintiina na, yau pale naghham ngar toozi imin kaut sorok, ve le anoonja mako.” *

²⁰ Ighe vene, pale tasaav mindai pa yes ngara to taan, ve yes tau lezi ngar tintiina pa tutuun to Mose, ve yes tau aazne tivavazorai zi pa savsaveen ma ngar ne? Pale tapait zi? Mako. Pasaa, ngar tau tamtamon to taan tipapakur tauzi pani na, ene Maaron ipaghazonaini ighe ene ngar to yes kankanooja. *

²¹ Maaron, i ngar tooni tiina, ve ighita ighe poia to ipoon eez pa tamtamon to taan, lesa tipait tauzi ezazi sov. Tauta yes ngara to taan ngar toozi irau iuul zi to tiwatagh Maaron mako. Maaron ighe itaghon eez ite to igham mulin tamtamon. Ene saveen to Krisi tau nivovotia ne. Onoon, yes tau titaghon taan ngara na, tighita saveen tane tighe ene saveen to yes kankanooja. Eemon yes tau tighur ila saveen tane, Maaron pale igham mulin zi. *

²² Yes Yuda tizoornugh tighe tighita gabua ngeretazi ivotvot imin ilaal pazi, o tighur ila. Ve yes Grika tizuari zi pa lonjaan saveen to yes ngara

* **1:18:** Ro 1:16; 1Kor 2:14; 2Kor 4:3
Is 44:25; Lu 10:21; Ro 1:22; 1Kor 3:18

* **1:19:** Is 29:14
* **1:21:** Mt 11:25+

* **1:20:**

to taan tau tighita tighe le puughu tiina. *

²³ Eemon yei nivovotia saveen pa mateegh to Krisi izala ai pambaroon. Saveen tane, saawe tau yes Yuda tiloonja, tirere pani ve tighur ila mako. Ve saawe tau yes Grika tiloonja, tivelegghi tighe ene saveen to yes kankanooja. *

²⁴ Eemon yes tau Maaron ipoi zi timin le na, yes Yuda ve Grika paam, yes tighilaal tighe Krisi, i itotoi Maaron tapiri ve ngar tooni ivot ighazoon pait. *

²⁵ Onoon, yes tau titaghon taan ngara na, tiveleggh Maaron ngar tooni tighe ene ngar to yes kankanooja. Eemon mako. Ngar tooni tiina. Iliiv kat pa ngar to iit tamtamon. Ve uraat tau Maaron ighamu na, *

tauvene paam. Tamtamon tivelegghi imin kaut sorok, ve tighita tighe le tapiri mako. Eemon uraat tawe, tapiri tiina kat. Iliiv iit tamtamon tapiriin. *

Ngar to Maaron, ene ite kat pa ngar to taan

²⁶ Yam tonvetaz, agham ngar pa taumim. Saawe tau Maaron ipoi gham amin le na, gabuamim mindai? Zeran tau titaghon ngar to taan na, tighita tamtamon tsiam katini tighe lezi ngar tiina mako. Ve tighe lezi ezazi ve tapirizi to tigham gabua eta mako, ve ziiri waaro toozi paam, lezi ezazi mako.

²⁷ Tauvene aghita. Yes tau tamtamon to taan tiveleggh zi tighe lezi ngar mako imin kankanooja, tauta Maaron igham zi timin le, leso ipamayanjin

* **1:22:** Yo 4:48; Mbanj 17:21

* **1:23:** Yo 6:60+; 1Kor 2:2, 14

* **1:24:** Ro 1:16; Kol 2:3

* **1:25:** Uraat tau Paulus isavia na, ene mateegh to Krisi ve burigiin tooni.

* **1:25:** 2Kor 13:4

zeran ngara to taan. Ve yes tau tamtamon to taan tighit zi tighe tapirizi imbool, tauta Maaron igham zi timin le, leso ipamayanjin yes tau tapirizi tiina na.*

²⁸⁻²⁹ Ve yes tau lezi ezazi mako, ve tamtamon to taan matazi veleghin zi, ve tighit zi timin kaut sorok, tauta Maaron igham zi timin le. Leso ipaghazonjai yes tau ezazi tintiina na ighe ezazi tawe, ene kaut sorok. Pasaa, i loolo pa tamtamon eta ipait tauu eeza ila i maata mako.*

³⁰ Maaron tauu ta igham gham apaak Yesu Krisi ve aleep ila tooni. I ighur Yesu Krisi to ipaghazonjai ghiit pa ngar tooni leso taleep poia. Ve Krisi ta igham ghiit taduduun ila Maaron maata, ve igham ghiit tamin tamtamon tooni patabuyaana, ve ipas ghiit pa saghati tapiri, leso tamin besoonja pani muul sov.*

³¹ Tauvene tataghon saveen tau tiboode pataghaan na:

“Tamtamon tau loolo pa ngar to pakuruun, na i aat ipakur Njeer Tiina pa ngar tau i ighamghamu.”*

2

Paulus isavsaav imin yes ngara to taan mako

¹ Yam tonjvetaz, matamim ingal. Saawe tau nalat gha navotia Maaron aliina payam, yau nasavia saveen puughu ariaana imin yes ngara to taan tau tighamgham pa tauzi ezazi na mako. Yau

* **1:27:** Mt 11:25; Yems 2:5 * **1:28-29:** Ro 3:27; Ep 2:9 * **1:30:** Ro 3:24; 2Kor 5:21; Ep 1:7; Pil 3:9 * **1:31:** Yer 9:23+; 2Kor 10:17

nasavia saveen raurauai payam, leso aghazoon pa Maaron ngar tooni. Ngar tawe, muun iyoon, ve aazne ivot ighazoon wa. *

² Pasaa, saawe tau nalat gha naleep tomani gham, ngar tsiau iyaryaan naghe nasavia Yesu Krisi vaaru mon, ve mateegh tooni izala ai pambaroon. *

³ Saawe tau naleep tomani gham, roin tiina igham ghau le tinig irur, ve nayamaan naghe tapirig imbool. *

⁴ Ve saawe tau navotia vaaru poia payam, yau nasavsaav imin yes ngara to taan to naghham lolomim ne mako. Eemon Maaron Avuvu igham uraat toman tapiri ila lolomim. Tauta itotoi igha saveen tau nasavia payam na, ene saveen onoon. *

⁵ Nataghon eez tauvene, leso tamtamon ngar toozi imin puughu pa ghuruun ila tsiam sov. Naghe Maaron tauu tapiri imin puughu pani, o poia. *

Maaron Avuvu ipaghazonai ghiit pa Maaron ngar tooni

⁶⁻⁷ Eemon yes tau ngar toozi imatuugh pa Maaron ve saveen tooni na, yei nisavsaav pazi pa ngar tiina to Maaron tau muun iyoon ve aazne ivot ighazoon. Muun geeg, saawe tau sambam ve taan tivot soone, i igharaat eez pataghaan wa, leso igham ghiit tala taleep tomania ila mbonari loolo. Ngar tooni tawe, ite kat pa ngar tau yes ngara to taan

* **2:1:** 1Kor 1:17 * **2:2:** 1Kor 1:23; Ga 6:14; Pil 3:8 * **2:3:** Mban 18:9; 2Kor 11:30, 12:5, 9 * **2:4:** 1Kor 4:20; 1Tes 1:5 * **2:5:** 1Kor 4:20; 1Tes 1:5

tisasavia pa saawe tane. Ve yes tau tighamgham pooz pa saawe tane *

tikankaan pani paam. Yes pooza tawe, murei Maaron pale itatan zi timin kaut sorok. *

⁸ Toozi eta ighazoon pa Maaron ngar tooni mako. Ve imin ta tighazoon pani, kanan irau tirav Tiina toit Yesu tau eeza tiina pa tapiri ve poia tooni na izala ai pambaroon mako. *

⁹ Ngar yongaana to Maaron tau nisavsavia ne, ti-bood saveena pataghaan tige:

“Maaron igharaat gabua popoiazi naol pa yes tau lolozi ighen tooni na. Gabua tawe, ite kat. Tamtamon eta ighit zi pa maata, ma iloon varuzi pa taliina soone. Ve tamtamon eta irau igham ngar pazi paam mako.” *

¹⁰ Eemon iit, o Maaron ipaghazonai ghiit pa ngar tooni yongaana tana ila uraat to Avuvu Patabuyaana wa. Maaron Avuvu ighita gabua naol isov. Ngar yongaana kat tau ighen ila Maaron loolo na paam, Avuvu ighita. *

¹¹ Laak, sei iwatagh katin tamtamon ite loolo? Mako. I tauu mon ta iwataghi. Maaron tauvene paam. Tauu Avuvu mon, ta iwatagh katin loolo. Ite paam mako. ¹² Avuvu tau iit taghamu na, i itaghon ngar to taan mako. I ivot ila to Maaron tauu. Maaron igham Avuvu pait, leso tawatagh gabua popoia tau i irei zi pait itaghon tauu loolo

* **2:6-7:** Yes pooza tau Paulus isavi zi na, ene yes daaba sasaghati to taan, ma Njeer Saghati tomania avuvu sasaghati siriv. * **2:6-7:**

Ro 16:25+; Ep 3:5, 9; Kol 1:26; Yems 3:17 * **2:8:** Lu 23:34; Yo 16:3;

Mbanj 13:27; 2Kor 3:14 * **2:9:** Is 64:4; Yer 3:16 * **2:10:** Mt 13:11; Yo 16:13; 1Yo 2:27

ve poia tooni na. †

¹³ Tauvene yei nisavsaav pa gabua tane. Ve ngar tau nisasavia ne, yei nighamu ila to yes ngara to taan mako. Maaron tauu Avuvu, ta ipaghazonjai ghei pani, ve ighamgham pooz pa saveen isov tau nisasavia ne. Tauvene saveen onoon tau Maaron Avuvu isavia payei, tauta nipaghazonjai puughu pa yes tau titaghon ngar to Maaron Avuvu. *

¹⁴ Isaav ighe neer eta itaghon ngar to tamtamon mon, i pale izor ngar tau ilam pa Maaron Avuvu na, ve ighita ngar tawe imin ngar to yes kankanoona. Irau ighazonn pani mako. Pasaa, Maaron Avuvu iuul ghiit, o tagabiiz poghania ngar tana, ve taghazonn pani. *

¹⁵ Tamtamon tau ighe itaghon ngar to Maaron Avuvu, ene irau igabiiz poghania gabua naol isov ve ighilaal: saa ta poia, ve saa ta saghati. Tamtamon tauvene, yes tau titaghon taan ngara na, irau tigabiiza mako. ‡ *

¹⁶ Pale tigabiiza mindai? Mako. Pasaa, saveen igheen pataghaan ighe:

“Sei iwatagh katin ngar to Maaron, ve irau ipaghazonjaini pa ngar siriv? Mako.” *

Eemon iit, o ngar to Krisi igheen toit. *

† **2:12:** Gabua popoia tau Paulus isavi zi na, ene gabua tau tagham zi ila mateegh to Krisi izala ai pambaroon. Ene gabua tauvene: Krisi ireu sosor toit, ve igham ghiit taduduun ila Maaron maata, ve irei Avuvu Patabuyaana pait. * **2:13:** 1Kor 1:17, 2:4 * **2:14:**

Yo 6:44, 14:17; Ro 8:5+; 1Kor 1:18, 23 ‡ **2:15:** Saveen ziiri tane aat injarui tamtamon siriv to Korin tau tivelegh Paulus pa uraat tooni, ve tiyauyau avozi pani. Ughita 2Kor 10:10. * **2:15:** 1Tes 5:21

* **2:16:** Ro 11:34 * **2:16:** Ro 12:2; Ep 4:23

3

Yes Korin, ngar toozi imatuugh soone

¹ Yam tonvetaz, muun yau irau nasaav payam imin nasavsaav pa yes tau titaghon ngar to Maaron Avuvu na mako. Pasaa, saawe tana, yam akis Krisi tunja ila ngar tsiam soone. Ngar tsiam ngaala imin geegeu, ve ataghon ngar to lolomim munjaana. ² Tauta naghham aniin ariaanja payam mako. Napaghun gham pa tuz mon. Pasaa, saawe tana, yam irau aghan aniin ariaanja mako. Ve aazne paam, naghith gham arao soone. *

³ Aghita. Parzoraan naol ivotvot ila sosomim ve ngar tsiam iyaryaan aghe atatan zeetmimja, ve agham zi titaghon ngar tsiam mon. Ene itotoi ighe yam atataghon lolomim munjaana soone. Laghoon tsiam, ene imin yes tau titaghon taan ngara. *

⁴ Pasaa, yam siriv aghe: “Yau nataghon Paulus,” ve siriv aghe: “Yau nataghon Apolos,” Ngar tsiam tana, ene itotoi ighe yam ataghon tamtamon to taan ngar toozi.

Uraata tisov to Maaron tizuari zi pa gabua eemon

⁵ Laak, Apolos, ene sei? Ve yau Paulus, sei? Yeiru besoonja mon to Tiina toit Yesu Krisi. Yei nigham uratoi gham, tauta aghur ila tooni. Onoon, i ighur lemai uraat ite ite. Eemon yeiru nigham uraat pa Neer eemon. *

⁶ Uraat tsiau, ene imin navazogh aniin ila uum. Ve Apolos uraat tooni, ene imin igham uratoi uum

* **3:2:** Hib 5:12+; 1Pe 2:2

* **3:3:** 1Kor 1:10, 11:18; Yems 3:16

* **3:5:** Mbanj 18:1, 18:24+

ve igham yaa gha itutur aniin. Eemon Maaron ta igham aniin itum iza. *

⁷ Neer tau ivazogh aniin, ve neer tau igham yaa ve itutur aniin na, yesuru lezi ezazi mako. Maaron mon ta i le eeza. Pasaa, i ta igham aniin itum ve anoonja ivot. ⁸ Tauvene neer tau ivazogh aniin, ve neer tau ighamgham yaa ve itutur aniin na, uraat toozi, ene puughu eemon. Ve murei, Tiina toozi pale igham lezi atuya iduduun pa uraat toz toz. *

⁹ Tauvene yeiru Apolos nilup ghei ve nigham uraat tau Maaron ighuru ila nimamai. Ve lupuun tsiam, ene imin uum to Maaron ve ruum tau i ilepleep ila. *

Yes tau tigham uratoi lupuun to Krisi na, timin zeran to raon ruum

¹⁰ Poia to Maaron iza tsiau, ve i igham pooz pa uraat tsiau. Tauta namin neer tau iwatagh katin uraat to raon ruum, ve imuunmuun pani. Uraat tau naghamu ila sosomim, ene imin napayooz rir imin puughu pa Maaron ruum tooni. Ve aazne, tamtamon siriv anazi tiseen uraat to raon ruum tawe. Sei tau ighe igham uraat pa raon ruum na, i aat igham ngar poi ve irau poghania ruum anoonja izala rir tawe itaghon ruum taama ngar tooni. *

¹¹ Tamtamon eta irau ipayooz gabua ite paam imin rir pa ruum tawe mako. Yesu mon ta imin rir pani. Ve rir tana, yau napayooze wa. *

¹² Yes tau tirau ruum anoonja na, siriv tirao pa mal-moon arianazi imin gol, silva, ve maet popoiazi

* **3:6:** Mt 13:3+ * **3:8:** Ro 2:6 * **3:9:** Ep 2:20+ * **3:10:** Ro 15:20; 1Kor 4:15 * **3:11:** Ep 2:20

siriv. Ve siriv tirao pa malimoon tau arianaazi mako imin ai, regh, ve gabua siriv. ¹³ Tala tala le ighe tazaa pa saawe to gabizoon ivot, mako yes tau tirau ruum na, uraat toozi anoonja ivot ighazoon. Gabizoon tawe ngara, ene imin tamtamon tighur gabua ila yav, leso titooova ve tighita: Ene gabua arianaa, ma gabua sorok? Ighe tirau ruum pa malimoon arianaa, ene pale yav tawe irau ighani mako. Eemon ighe tirau ruum pa malimoon tau arianaa mako, ene pale yav ighan uraat toozi gha ilale. *

¹⁴ Tamtamon tau ighe irau ruum to Maaron pa malimoon arianaa, ene gabizoon to Maaron irau igham gabua eta pa uraat tooni mako. Tauvene saawe tau gabizoon tana isov, ene aat uraat tooni anoonja tawe ighengheen, ve Maaron igham le atuya poia. ¹⁵ Eemon isaav ighe tamtamon eta irau ruum to Maaron pa malimoon soroksorok, ene pale yav ighan uraat tooni, ve le anoonja mako. Onoon, i tauu pale ileep poi. Eemon i imin neer tau yav ighan suvinia ruum tooni, ve ighau ivot ila muuri toman niima nginaana.

Lupuun to Krisi imin rumei patabuyaaj to Maaron

¹⁶ Yam awatagh mako? Lupuun tsiam, ene imin Maaron rumei tooni patabuyaaj tau i ilepleep ilonj ila. Ve Maaron Avuvu ilepleep tomani gham ila lupuun tsiam loolo. *

¹⁷ Tauvene ayamaan gham. Pasaa, lupuun tsiam, tauta imin rumei to Maaron. Ve rumei tana, ene gabua tooni patabuyaaj. Tauvene isaav ighe

* **3:13:** 1Kor 4:5 * **3:16:** 1Kor 6:19; 2Kor 6:16; Ep 2:21+; Hib 3:6; 1Pe 2:5

tamtamon eta ivaghamunia, ene i paam, Maaron pale ivaghamunia.

Pale tagham ngar mindai pa Maaron uraata tooni?

¹⁸ Yam agham karom pa taumim sov. Isaav ighe tsiam eta ighe i irau kat pa ngar to taan tau aazne tamtamon tizuar zi pani ne, i aat ighur muuri pa ngar tawe, ve itaghon ngar to Krisi tau tamtamon to taan tighita imin ngar to yes kankanooṇa. Leso ighazoon pa Maaron ngar tooni, ve eez to ileep poia. ¹⁹ Pasaa, ngar naol tau tamtamon to taan tipakur zi pani, ene Maaron ighita ighe ene ngar to yes kankanooṇa. Saveeṇa tiboode pataghaan tauvene:

“Zeran ngara to taan titaghon ngar naol tigde pale iuul zi to tileep poia. Eemon ngar toozi tawe pale imin liis pazi, gha lesa Maaron ikis zi.” *

²⁰ Ve saveeṇ ziiiri ite isaav ighe:

“Maaron iwatagh: Ngar naol tau zeran ngara to taan tivavazorai zi pani na, ene le anooṇa mako.” *

²¹ Tauvene ngar to pakuruuṇ tamtamon ezazi, yam apuli ileple. Pa gabua isov, ene yam tsiam. Maaron ighur zi to iuul gham. ²² Paulus, Apolos, Petrus, taan tane, lepoogh tsiam, mateegh tsiam, gabua tau aazne tighengheen, ve gabua tau pale ivot murei na paam. Gabua isov tawe, ene tsiam mon. *

²³ Ve yam to Krisi. Ve Krisi, i to Maaron. *

* **3:19:** Yop 5:13; 1Kor 1:20 * **3:20:** Mbo 94:11 * **3:22:** Ro 8:28, 38-39 * **3:23:** Ro 14:8

4

Maaron pale igabiiz uraata tooni

¹ Tauvene tamtamon irau tigham ngar pa yei uraata tauvene: Yei besoonja to Kriisi. I inumeer ghei, ve ighur saveen tooni ilam tsiei lesongini. Saveen tane isavia Maaron ngar tooni tau muun iyoong, ve aazne ivot ighazoonj. *

² Besoonja tau ighe tiina tooni inumeera ve ighur gabua ila niima to ingini, ene i aat ingin poghanja gabua tana itaghon ngar to tiina tooni. *

³ Tauvene isaav ighe yam, ma tamtamon siriv agabiiz ghau aghe yau poiag, ma saghatig, ene naghham ngar pa tana geeg mako. Ve irau nagabiiz taug naghe yau poiag, ma saghatig, ene paam mako. ⁴ Onoon, yau naghe uraat tsiau, naghham sosor eta mako. Eemon irau nanumeer sorok naghe ngar tsiau isov iduduun ne mako. Naleep ve nasaan gabizoonj to Tiina toiti tau murei pale ivot, o i tauu igabiiz ghau. *

⁵ Yam tauvene paam. Reikia agabiiz tamtamon ve aghe yes sasaghatizi, ma popoiazi sov. Aleep ve asaan saawe to Tiina toiti Yesu imuul ilam. Pa saawe tana ighe ivot, i pale ivotia gabua tisov tau tiyoong ila ndoroom, tomania ngar isov tau igheen ngozaan ila tamtamon lolozu na, ivot ighazoonj. Mako Maaron tauu ipait tamtamon enaenja itaghon ngar toz toz. *

Ngar tau mbanjoona to Kriisi titaghoni

* **4:1:** 1Kor 3:5; 2Kor 6:4

* **4:2:** Lu 12:42

* **4:4:** Mban 23:1;

1Kor 3:13; 2Kor 10:18

* **4:5:** Ro 2:16; 1Kor 3:8; 2Kor 5:10; Syg

20:12

⁶ Yam tonvetaz, saveen isov tane, yau nasavia iza to yau gha Apolos, leso nauul gham ve agham ngar poi pa yei tau nipaduduun gham pa Maaron aliina ne. Yam irau agham ngar ilam tsiei. Leso yam tau apapait tamtamon ee pa ngar tooni ve matamim veleghin ite na, apul ngar tsiam tana ileple. Pa ighe agham tauvene, yam amalaan pa Maaron aliina tau tiboode pataghaan na. *

⁷ Laak, yo tau upakur taum na, sei igham ghom uliiv zetamna? Ve saa gabua ta yo ughamu ivot ila taum tapirim? Mako. Gabua tsio tisov tomania saa ngar poia tau igheen tsio, ena yo ughamu ila to Maaron. Ighe tauvene, puughu mindai ta ugham tinim ve upakur taum imin ngar tomania gabua tsio ivot ila to yo taum? *

⁸ Aa yam Korin, arao kat! Ail saa gabua muul? Pa yam asavsav aghe: Maaron tapiri, yam agham katini wa. Ve aghe aghazoon kat pa ngar tooni. Ve aghe yam amin kinik wa. Aleep ila tamtamon eta saamba muul mako. * Eemon yei o, soone. Ve imin ta saveen tsiam tana onoon, kanan poia. Leso itina tamin kinik ve tagham pooz. Eemon mako. *

⁹ Yau naghita naghe Maaron ighur yei mbanjoona nileep murei geeg. Yeimimin yes tau tighetirav zi timaat, vetigherev zi tila pa nugh

* **4:6:** Ro 12:3 * **4:7:** Yo 3:27; Yems 1:17; 1Pe 4:10 * **4:8:** Saveen to Maaron isaav tauvene: Mbon murei, ighe Mesia ilam ve itotoi tapiri ivot ighazoon, ene pale yesna tamtamon tooni timin kinik vetigham pooz pa gabua naol isov. Eemon tamtamon siriv to Korin ngar toozi ikau. Tighe yes tau tighur ila to Krisi vetigham Maaron Avuvu tapiri na, tileep imin yes to nugh sambam gha timin kinik wa. * **4:8:** Syg 3:17+

to mogheraan, leso tirav zi ila eval tiina matazi. Ve yes tau timamarar ghei ne, tamtamon to taan mon mako. Yes aŋela paam. *

¹⁰ Yei mbanjoona nizuari ghei pa taghoniin Kriŋi, ve tamtamon tighit ghei tighe nivaghamgham imin yes kankanooŋa. Eemon yam o, aghe Kriŋi igham gham arau kat pa ngar! Yei tapirimai imbool, ve lemai ezamai mako. Eemon yam, o aghe tapirimim tintiina ve ezamim tintiina. Yam arao kat! *

¹¹ Muun ve ilam, pitool ghei ve murun ghei. Ve nonoghiina tsiei perekperekia. Tamtamon tighamgham saghatin ghei, ve taumai lemai ruum to lepoogh mako. *

¹² Yei nighamgham uraat ariaan pa nimamai, leso niuul taumai. Ighe tamtamon tisik saveen saghati payei, yei nighason Maaron to ighur poia tooni iza toozi. Tamtamon tighurghur pataŋani payei pasaa, nitaghon Kriŋi, eemon niyooz ariaan ve nibaado. † *

¹³ Tamtamon tingalngal saveen payei, eemon yei niyol saveen toozi pa saveen poia. Tauta muun ve ilam, tamtamon tivelegh ghei kat ve tighit ghei tighe yei sasaghatmai imin pen ve buz buz to taan. *

* **4:9:** Ro 8:36; 1Kor 15:30+; 2Kor 6:4, 11:23+ * **4:10:** Mban 26:24; 1Kor 2:3; 2Kor 13:9 * **4:11:** Mt 8:20; 2Kor 11:27 † **4:12:** Grika ve Roma tivelegh yes tau tighamgham uraat pa nimazi. Ve isaav ighe tamtamon tigham ngar saghati pa neer eta, ve i iyatu mako, ene paam Grika ve Roma tiveleghi tighe i iroi ve le tapiri mako. Tauvene ngar tau Paulus ve mbanjoona siriv titaghoni, ene igham Grika ve Roma siriv tivelegh zi kat. * **4:12:** Mt 5:44; Mban 18:3+ * **4:13:** 1Pe 3:9

Paulus ipalot yes Korin ighe titaghoni pa ngar tooni

¹⁴ Saveen tane, yau naboode payam to napa-mayanjin gham mako. Yau lolog igheen tsiam, ve naghit gham naghe yau natugña yam. Tauta naghe napaduduun gham. *

¹⁵ Pa ighe yam lelim tamtamon ndinndin ndinndin (10,000) tau tinjin gham ve tipaghazonai gham pa eez to Kisi, ene poia. Eemon tamamimña naol mako. Tamamim eemon ta yau. Pasaa, saawe tau navotia vaaru poia payam, ve aghur ila to Yesu Kisi, yau namin tamamim. *

¹⁶ Tauta naghe napalot gham, lesa ataghon ngar tsiau. *

¹⁷ Puughu tane ta nambaan Timoti ilat. I, yau nanumeera ve lolog igheen tooni kat. Yau naghita imin natug duduun. I ighur ila to Tiina toit ariaan, ve igham uraat itaghon Kisi ngar tooni. I pale ipei ngar tsiam muul pa eez tau yau naleep tunja ila to Kisi ve nataghon ngar tooni. Eez tane, yau napaduduun lupuun to Kisi pani irau nugh nugh. *

¹⁸ Yau nawatagh: Tsiam siriv matazi ingal tige yau irau nalat naghit gham muul mako. Tauta tipakur tauzi ve tizoroor saveen. ¹⁹ Eemon malau mako pale nalat peria tsiam, isaav ighe Tiina toit loolo tauvene. Pa naghe naghita yes tau tipapakur tauzi ve tizoroor saveen na, lesa nawatagh: Tisavsaav sorok, ma tigham uraat toman Maaron tapiri? ²⁰ Pasaa, pooz to Maaron, ene saveen

* **4:14:** 1Tes 2:11 * **4:15:** Mban 18:11; 1Kor 3:5+ * **4:16:** 1Kor 11:1; Pil 3:17, 4:9; 2Tes 3:9 * **4:17:** Mban 19:22; Pil 2:19+

mon mako. Ene Maaron tauu tapiri to iza a to tamtamon. *

²¹ Mindai? Yam aghe nagh am saa ngar payam? Aghe nalat tomania toon ve nalos gham, ma nalat tomania ngar marowa ve ngar to loloon pa tauun? *

5

Paulus iyaon yes Korin pa ngar to ghuruun boog

¹ Aiyo, yau naghe napaduduun gham pa ngar siriv tau ivotvot ta sena. Tipaesia varumim tighe ngar saghati to ghuruun boog ivotvot ila sosomim. Ve tisaav tighe tsiam ee ivai tauu taama azaawa. Aghita. Yes kankanooŋa tau tiwatagh Maaron mako na, yes irau tigham ngar saghati tauvene mako. *

² Eemon yam apuli gha ilepleep. Agham ngar eta pani mako. Mindai ta apakur taumim aghe yam arau kat pa Maaron ngar tooni? Imin ta yam awatagh katin ngar tooni, kanan lolomim ipatanan pa ngar tau neer tana ighamu na, ve aziire pa lupuun tsiam. ³ Onoon, yau taug naleep tomani gham mako. Eemon ngar tsiau, ene ighengheen tsiam, ve Maaron Avuvu ilup ghiit le imin ta itina talepleep. Neer tau igham ngar saghati tana, atuya tau pale iza a tooni, ene nagh am ngar pani wa. *

⁴⁻⁵ Tauvene yau nasaav payam tauvene: Yam aat alup gham ila Tiina toit Yesu Krisi eeza, ve ila uraat to Maaron Avuvu, yau pale naleep tomani gham paam, ve Tiina toit Yesu tapiri iza a tsiam.

* **4:20:** 1Kor 2:4+; 1Tes 1:5 * **4:21:** 2Kor 13:10 * **5:1:** Wkp 18:8; Ep 5:3 * **5:3:** 2Tes 3:6; 1Tim 5:20

Mako aziir ñeer tawe pa lupuunɗ tsiam, ve aghuru ila Sadan niima, ve iyamaan katin patanjani to lepoogh tauvene. Leso itoor ngar tooni, ve ipul ngar to loolo munğaana ileple, ve saawe to Tiina toit Yesu imuul ilam, i aat igham mulin ñeer tana, ve ileep poi. *

Eez to tataghon dudunjai ngar to Pasova

⁶ Ngar tsiam tau apakur taumim ve aghe arau kat pa Maaron ngar tooni, ene poia mako. Yam awataghi mako? Yis ngiira mon, ene irau igham uraat pa palawa tiina ve ipasaria. *

⁷ Tauvene asik yis tsiam munğaana isov ilale. Leso lupuunɗ tsiam imin mberet paaghu tau le yis mako. Yau nawatagh: Yam amin mberet paaghu tau le yis mako na wa. Pasaa, Krisi, i imin sipsip toit to Pasova tau tiravu imaata imin watoonɗrau, leso ireu sosor toit. *

⁸ Tauvene iit aat tataghon ngar to Pasova irau saawe. Ngar saghati to loloon munğaana, iit aat tapuli ileple, imin yes tau tilup zi pa Pasova na, tisik yis toozi munğaana ilale. Ve tapait Maaron toman tintiniin, tagham ngar ngalaanɗa mon, ve tataghon saveen onoon toman loloon. Leso tamin mberet paaghu tau le yis mako na, ve tataghon dudunjai ngar to Pasova. *

⁹ Yau nabood rau ee ilat payam, ve nasaav payam tauvene: Yes tau tighurghur boog na, aleep soghan pazi. *

* **5:4-5:** Mt 18:18+; Kol 2:5; 1Tim 1:20 * **5:6:** Mt 16:6+; Ga 5:9; Yems 4:16 * **5:7:** Igham 12:3+; Yo 1:29; 1Pe 1:19 * **5:8:** Igham 12:18+ * **5:9:** 2Kor 6:14+; Ep 5:11; 2Tes 3:6, 14

¹⁰ Saveenj tsiau tawe, ene injarui eval tiina to taan tau tighurghur boog ne mako. [Ene injarui yes tau tighur ila to Krisi ve tighamgham ngar tana.] Pa ighe yam aghe aleep soghan pa tamtamon tisov to taan tau tighurghur boog, ma matazi gabua, ma titombaan tamtamon leso tigham sorokin gabua toozi, ma tibesbees pa maaron karomņa, na yam aat apul taan tane! ¹¹ Tauvene saveenj tau naboode payam na, ngara tauvene: Ighe tamtamon eta isaav ighe i tonjvetaz to Krisi, eemon ighurghur boog, ma maata gabua, ma ibesbees pa maaron karomņa, ma ivevelegh tamtamon ve isiksik saveenj sasaghati pazi, ma ighunghun le daaba ikaukau, ma itombaan tamtamon leso igham sorokin gabua toozi, na tamtamon tauvene, agharauu sov. Aleep soghan pani. Ghanghaniin paam, yamņa alup gham sov. *

¹²⁻¹³ Yes tau tileep ilonj ila lupuunj to Krisi mako na, yau leg uraat to nagabiiz zi mako. Maaron tauu pale igabiiz zi. Eemon yes tau tileep ilonj ila lupuunj tooni na, iit aat tagabiiz zi pa ngar toozi.

Tauvene yam aat ataghon saveenj to Maaron tane:

“Isaav ighe tamtamon saghati eta ileep ila sosomim, na yam aziire ighau.” *

6

Tapayooz tonjvetaz to Krisi pa savsaveenj ila daaba to taan naghozi sov

¹ Isaav ighe tsiam eta iitete igham sosor pani, na puughu mindai ta i ipayooze ila yes daaba

* **5:11:** Mt 18:17; Ro 16:17 * **5:12-13:** Lo 13:5

to taan tau tiwatagh Maaron mako na naghozi? Ngar tsiam tana, mayamim pani mako? Yam awatagh: Zeran tauvene, ngar toozi iduduun ila Maaron maata mako. Tauvene yam aghur patanjani tsiam ila tamtamon to Maaron nimazi to tigharaata, o poia. ²⁻³ Yam awatagh mako? Saawe to Mbonj Murei, iit tamtamon to Maaron pale tauule pa uraat to gabizoon tamtamon to taan. Ighe tauvene, puughu mindai ta yam irau agharaat patanjani ngiira ngiira tau aazne tivotvot ila sosomim ne mako? Ve iit pale tagabiiz yes anela paam. Ighe tauvene, iit irau tagharaat patanjani to taan. Pa ene gabua tiina mako. *

⁴ Yes daaba to taan lezi ezazi ila lupuun to Krisi loolo mako. Puughu mindai ta yam aghurghur patanjani tsiam to taan ila zeran tauvene nimazi to tigharaata? ⁵ Nabood saveenj tane payam, leso mayamim pa ngar tau aghamghamu na. Mindai, tsiam eta le ngar irau to igharaat tonjetaz to Krisi saveenj toozi mako? ⁶⁻⁷ Eemon yam ataghon eez tauvene mako. Yam apapayooz tonjetaz tsiam tau tighur ila to Krisi na, ila yes daaba to taan tau tighur ila mako na naghozi. Ngar tsiam tana itotoi ighe yam atap wa. Mindai, ighe tonjetaz tsiam eta itombaan gham to igham sorokin gabua tsiam, ma igham sosor ite paam payam, irau apul sosor tooni mako? *

⁸ Eemon yam ataghon eez tauvene mako. Pasaa, tonjetaz tsiam tau yamja aleep ila lupuun to Krisi loolo na, tauta agham sosor pazi, ve atombaan zi to ayau sorokin gabua toozi.

* **6:2-3:** Mt 19:28 * **6:6-7:** Mt 5:39+; Ro 12:17+; 1Pe 3:9

⁹ Yam awatagh mako? Isaav ighe tamtamon eta inoknok ghamuunŋ ngar tau iduduunŋ mako, i irau itaghon Maaron pooz tooni ve ilonŋ ila nugh tooni ne mako. Tauvene agham karom pa tau-mim sov. Yes tau matazi saghati imin ngavuun, yes tau tibesbees pa maaron karomŋa, yes tau tighurghur boog, zitamoot tau timomogheer pa zetazŋa zitamoot siriv, ¹⁰ yes umbuunŋa, yes tau matazi gabua, yes ghunuunŋa, yes tau matazi izi pa zetazŋa ve tisiksik saveenŋ sasaghati pazi, ve yes tau titombaan tamtamon to tigham sorokin gabua toozi, tamtamon tisov tau tighamgham tauvene, yes aat irau itaghon pooz to Maaron ve tilonŋ tila nugh tooni ne mako. *

¹¹ Muunŋ, yam siriv ataghon ngar tauvene paam. Eemon aazne, ila uraat to Yesu Krisi, Maaron Avuvu igham uratoi gham. Tauta Maaron igham gham angalaanŋ, ve amin tamtamon tooni patabuyaanaŋ, ve aduduunŋ ila i maata wa. *

Anonŋaan, ene imin Rumei to Avuvu Patabuyaanaŋ

¹² Yam siriv asavsaav aghe: “Yau irau nagham ngar ta naol ne. Gabua eta le ngalsekiina mako.” Ene poia. Eemon ngar isov irau iuul ghiit mako. Ve gabua ite paam. Yau lolog pa gabua saghati eta igham pooz payau ve namin besoonŋa pani mako. *

¹³ Ve yam siriv asavsaav aghe: “Aniinŋ, ene gabua to apoon. Ve apoon ighen to aniinŋ izila. Ve murei,

* **6:10:** Ga 5:19+; Ep 5:5; Hib 12:14; Syg 21:8, 22:15 * **6:11:** 1Kor 1:2; Ep 2:1+; Kol 3:7+; Tit 3:3+ * **6:12:** Yo 8:34; 1Kor 10:23

Maaron pale ipasov gabua ru tana.” *

Ene onoon. Eemon anonjaan igheen to igham ngar saghati imin ngavuun mako. Anonjaan igheen to ibees pa Neer Tiina. Ve Neer Tiina igham ngar tiina pa anonjaan. *

¹⁴ Aghita. Maaron ipaburigin Tiina toit Yesu pa mateegh wa. Ve murei, Maaron tapiri pale ipaburigin ghiit paam pa mateegh ve igham leen anonjaan paaghu. *

¹⁵ Yam awatagh mako? Anonjamim, ene Krisi anooja siriv siriv. Mindai, isaav ighe tagham Krisi anooja sirivu ve talupu tomania livaa to eez, pale poia? Mako kat! *

¹⁶ Yam awatagh mako? Isaav ighe tamoot eta ipaak anooja ila livaa to eez anooja, ene yesuru tivalupu zi timin eemon. Saveenja igheen pataghaan wa:

“Yesuru pale tivalupu zi timin eemon.” *

¹⁷ Eemon tamtamon tau imin Tiina toit le na, ila uraat to Maaron Avuvu, yesuru Krisi tivalupu zi timin eemon. Mindai, tamtamon tauvene irau ilup ghi tomania livaa to eez muul? Ene aat mako. *

* **6:13:** Saveen to aniin ve apoon, ene iza to zitamoot ve zilivaa anonjazi. Yes eval to nugh Korin matazi saghati imin ngavuun. Ve ngar toozi ikau tigde: Zilivaa anonjazi, ene igheen to zitamoot timogheer pazi mon. Ve saa ngar tau ighe tamtamon tigham pa anonjazi, ene kaut sorok. Irau igham gabua eta pa anunuzi mako. Pasaa murei, anonjazi pale imaat gha ilale, ve anunuzi mon, o ileep maata yaryaare. * **6:13:** 1Tes 4:3+ * **6:14:** Ro 8:11; 2Kor 4:14 * **6:15:** 1Kor 12:27; Ep 5:30 * **6:16:** Gnp 2:24 * **6:17:** Yo 17:21+; 1Kor 12:13; Ep 4:4

¹⁸ Tauvene ngar to mataan saghati imin ngavuun, yam aleep soghan pani. Pa ngar tane imin sosor siriv mako. Sosor toit siriv tinjarui tauun anonjaan mako. Eemon tamtamon tau ighe igham ngar tane, ene igham sosor pa tauu anoonja. *

¹⁹ Yam awatagh mako? Anonjamim, ene imin rumei to Avuvu Patabuyaanj ileep ilonj ila. Pasaa, Maaron igham Avuvu payam, ve aazne i ileep ila lolomim. Tauvene yam angin taumim muul mako. *

²⁰ Maaron ighol gham pa gabua tau atuya tiina kat gha amin i le wa. Tauvene saa ngar tau ighe aghamu pa anonjamim, na aghamu to apaghazonjai Maaron eeza tiina tomania tapiri ve poia tooni. *

7

Vaiņ ngara siriv

¹ Aiyo, naghe nayol saveen siriv tau aboode ila rau tsiam na. Yam asaav tauvene: “Isaav ighe tamoot eta itut livaa eta mako, ene poia.” ² Eemon ngar to ghuruun boog, ene ivot imin tiina. Tauvene isaav ighe tamoot eta yesuru azaawa tileep soghan pa tauzi, ve tiluplup zi pa ghenoonj mako, ene poia mako. Poia to yesuru tilup zi. ³ Vaivainja aat titaghon vaiņ ngara. Isaav ighe livaa eta ighason azaawa ighe yesuru tigheen, ene tamoot aat iyok pani. Ve tamoot tauvene paam. Isaav ighe ighason azaawa ighe yesuru tigheen, ene livaa aat iyok pani. *

* **6:18:** Ep 5:3; 1Tes 4:3; Hib 13:4 * **6:19:** Ro 14:7+; 1Kor 3:16+; 2Kor 6:16 * **6:20:** 1Kor 7:23; Pil 1:20; Hib 9:12; 1Pe 1:18+ * **7:3:** Igham 21:10

⁴ Livaa ingin tauu anoonja mako. Azaawa tamoot ta ingini. Ve tamoot tauvene paam. I ingin tauu anoonja mako. Azaawa livaa ta ingini. ⁵ Tauvene yam vaivainja anguruut taumim sov. Eemon isaav ighe yamru azuwam aghe asapaar pa taumim, leso apul sooso rig pa sunuun, ene poia. Eemon murei, yamru aat avalupu gham muul. Mako pale irau atatan ghaara tsiam mako, ve Sadan iwat gham gha atap. ⁶ Saveen tau nasavia pa saparoon ne, nasavia to naghham ngar payam mon. Ve napariaanja imin tutuun to ataghoni ne mako. ⁷ Yau naghe le tamtamon tisov tivai mako imin yau, o poia. Eemon Maaron ighur leen lepoogh maata maata. Tauta siriv tivai, ve siriv tivai mako. Ve saa lepoogh tau i igham pait, ene poia tooni pale ighen tomani ghiit. *

Saveen injarui yes osa ve zinaara

⁸ Aiyo, yam osa ve zinaara, yau nasaav payam tauvene: Isaav ighe avai muul mako, ve aleep imin yau, ene poia. ⁹ Eemon isaav ighe yam irau atatan ghaara tsiam mako, na avai lak. Mako pale ghaara tsiam ipazaagh gham ve agham sosor. *

Vaivainja irau tipul azuwazja mako

¹⁰ Ve yam vaivainja, yau naghur tutuun tane payam: Livaa eta irau ipul azaawa ve irav motin vain tooni mako. Saveen tane, ene yau taug saveen tsiau mako. Ene Tiina toit tauu aliinja. ¹¹ Ve isaav ighe livaa eta ipul azaawa ve irav motin vain toozi, ene i irau ivai muul mako. Ileep mon. Ve ighe mako, i aat imuul ila pa azaawa munngaana, ve

* 7:7: Mt 19:11+ * 7:9: 1Tim 5:14

yesuru tilup zi muul toman lolozi eemon. Ve yes zitamoot tauvene paam. Tiziir azuwazŋa sov. *

Saveeŋ siriv tau iŋarui yes tau azuwazŋa tighur ila mako

¹² Ve yam siriv tau azuwamimŋa tighur ila to Krisi mako na, yau nasaav payam tauvene. Isaav ighe toŋvetaz eta to Krisi azaawa ighur ila mako, ve livaa iyok pa lepoogh toozi tawe, ene tamoot tana irau irav motin vaiŋ toozi mako. Saveeŋ tane, ene Tiina toit aliŋa mako. Ene yau ŋgar tsiau.

¹³ Ve isaav ighe livaa eta azaawa ighur ila to Krisi mako, ve tamoot iyok pa lepoogh toozi tawe, ene livaa tana paam irau irav motin vaiŋ toozi mako.

¹⁴ Pasaa, livaa ma tamoot tau ighe ighur ila, ene i imin eez pa azaawa tau ighur ila mako na, leso imin Maaron le. Imin ta mako, kanaan natmimŋa tisaghat ila Maaron maata. Eemon mako. Yes paam timin Maaron le. Pasaa, yam ta amin eez pazi.

¹⁵ Eemon isaav ighe toŋvetaz eta to Krisi azaawa ighur ila mako, ve azaawa tana ŋgar tooni iyaryaan kat ighe irav motin vaiŋ toozi, ene i tau ighur ila na irau iyok pani, ve ipuli ila. Ngar tauvene, le ŋgalsekiŋa mako. Pasaa, Maaron ighe iit tataghon ŋgar luuma. *

¹⁶ Yo livaa tau ughur ila na, uwatagh mako. Pale umin eez pa azuwam tamoot ve Maaron igham mulini. Ve yo tamoot tauvene paam. Uwatagh mako. Pale umin eez pa azuwam livaa, ve Maaron igham mulini. *

* **7:11:** Mal 2:16; Mt 5:32, 19:3+; Mk 10:11+

* **7:15:** Ro 12:18,

14:19 * **7:16:** 1Pe 3:1

Saa lepoogh tau Maaron igham pait, ene loloon poia pani mon

¹⁷ Saa lepoogh tau Tiina toit ighuru pait, ene loloon poia pani mon. Tauvene lepoghaan tau taghamu indeen saawe tau Maaron ipoi ghiit tamin i le na, tayok pani mon. Saveen tane, yau napaduduun lupuun to Krisi pani irau nugh nugh.

¹⁸ Tauvene isaav ighe neer eta tirav waaro, ve murei Maaron ipoi imin le, ene neer tana iil eez to tigharaat tiini sov. Ve isaav ighe tamoot eta tirav waaro mako ve Maaron ipoi imin le, ene igham ngar pa tirav waaro sov. ¹⁹ Pa isaav ighe tirav waroon, ma tirav waroon mako, ene kaut sorok. Ve ngar to taghoniin Maaron tutuun tooni, ene gabua tauu. *

²⁰ Tauvene saa lepoogh tau tamtamon enaen tighamu indeen saawe tau Maaron ipoi zi timin le na, yes aat lolozi poia pani ve tileep tauvene.

²¹ Isaav ighe yo besoonja sorok, ve Maaron ipoi ghom umin le, na lolom ipatanjan pa uraat tsio sov. Eemon isaav ighe eez eta ivot to upas taum pa uraat tsio tana, ene poia. Utaghoni mon. ²² Pa ighe tamtamon eta imin besoonja sorok, ve Tiina toit ipoi, ene tamtamon tana imin besoonja muul mako. Onoon, uraat to besoonja, i pale ighamu. Eemon Krisi ipasu pa saghati tapiri tau muun ikisi na, ve i imin Krisi le wa. Ve tamtamon tau ighe i besoonja mako ve ingin tauu, ve Krisi ipoi imin le, ene i besoonja to Krisi. *

²³ Aghita. Maaron ighol gham pa gabua tiina gha amin i le wa. Tauvene amin besoonja pa ngar to

* **7:19:** Ro 2:25; Ga 5:6, 6:15 * **7:22:** Yo 8:36; Ga 3:28; Kol 3:24; 1Pe 2:16

tamtamon sov. *

²⁴ Tauvene yam tonvetaz, saa lepoogh tau iit enjaenja taghamu indeen saawe tau Maaron ipoi ghiit tamin le na, iit aat tapaak ila to Maaron ve tataghoni tauvene mon gha ila.

Saveen injarui yes tau tivai soone

²⁵ Yau leg saveen siriv pa yes tau tivai soone. Saveen tane, ene tutuun tau Tiina toit isavia ne mako. Ene yau taug ngar tsiau. Eemon Tiina toit igham poghani ghau, ve igham leg ngar. Tauvene yam irau aghur ila saveen tsiau tane, ve ataghoni.

²⁶ Aazne, iit taleep ila saawe to patanani. Tauvene yau naghita naghe: Saa lepoogh tau aazne iit enjaenja taghamu, ene poia to taleep tauvene mon gha ila. ²⁷ Tauvene isaav ighe yo uvai wa, na uil eez to urav motin vainj tsiam ve uziir azuwam sov. Uleep tomania azuwam tana. Ve isaav ighe uvai soone, na uzuari ghom pa vainj sov. ²⁸ Eemon isaav ighe uvai, ene poia paam. Ugham sosor mako. Ve zilivaa mbiwa tauvene paam. Isaav ighe tivai, ene tisor mako. Eemon yau nawatagh: Lepoogh to vaivainja, yes pale tindeen patanani naol. Ve lolog pa patanani tauvene igham gham sov. Tauta nasavia saveen tane payam.

Tagham ngar tiina pa gabua to taan sov

²⁹ Yam tonvetaz, saveen tsiau tane, puughu tauvene. Saawe ilam igharau wa. Tauvene aazne ve ila, tagham ngar tiina pa lepoogh toit to taan sov. Tauvene vaivainja zitamoot, yes aat tileep imin yes tau lezi azuwazna mako. *

* **7:23:** 1Kor 6:20; 1Pe 1:18+

* **7:29:** Ro 13:11+; 1Kor 10:11; 1Pe

³⁰ Ve yes tau lolozi ipatanan na, yes aat tileep imin yes tau lolozi ipatanan mako. Ve yes tau lolozi poia na, yes aat tileep imin yes tau lolozi poia mako. Ve yes tau tigholghol lezi gabua na, yes aat tigham ngar tauvene: Gabua tawe, ene to tauzi, leso tikisi igheen malau mako. ³¹ Ve yes tau tighamgham uratoi gabua to taan na, ngar toozi isaghav gabua tawe geeg sov. Pa iit tawatagh: Taan tane tomania ngara, ene irau igheen le alok mako. Ighe isov tane.
*

³² Yau naghe patanani naol to taan igham lolomim bubu ve agham ngar naol sov. Tauta nasavia saveen tane. Neer mbiu tau ighe ighur ila to Krisi, i ighamgham ngar tiina pa Tiina toit ve uraat tooni, ve izuari ghi ighe le igham Krisi loolo poia. ³³ Eemon neer vaivain, i ighamgham ngar naol pa gabua to taan, ve izuari ghi ighe le igham azaawa loolo poia. *

³⁴ Tauvene ngar tooni imin ru. Ve yes zinaara ve zilivaa mbiwa tau tighur ila to Krisi na, tauvene paam. Tighamgham ngar pa Tiina toit ve uraat tooni, ve tizuari zi tighe le tighur ngar toozi ve lolozi, tomania anonazi isov imin i le kat. Eemon zilivaa vaivain, tighamgham ngar naol pa gabua to taan, ve tizuari zi to tigham azuwazna lolozi poia. *

³⁵ Saveen tsiau tane, nasavia to nangalsekin gham pa vain mako. Ene nasavia to nauul gham, leso gabua eta to taan ireu ngar tsiam sov, ve apul taumim kat pa Tiina toit ve uraat tooni, ve ataghon

* **7:31:** 2Pe 3:11+; 1Yo 2:15+; Syg 21:1

* **7:33:** Lu 14:20

* **7:34:** 1Tim 5:5

ngar duduunja mon ila i maata. ³⁶ Isaav ighe neer eta igham ngar ighe i irau ivai mako, * eemon murei maata ingal ighe ngar tau igham pa livaa tau tisiigho pani na, ene iduduun mako, ve ngar tooni iyaryaan ighe i aat ivaii, ene poia to itaghon ngar tooni, ve yesuru tivai. Ene sosor mako. ³⁷ Eemon isaav ighe neer eta loolo iyaryaan ighe ivai mako, ve irau itatan ghaara tooni, ve ighe tamtamon eta ingalsekini pa vain mako, ve i itaghon tauu loolo ve ivai mako, ene igham ngar poia. ³⁸ Tauvene neer tau ighe ivai, ene igham ngar poia. Ve neer tau ighe ivai mako, ene igham ngar poia kat. *

³⁹ Isaav ighe livaa vaivain eta azaawa ileep maata yaryaare, ene livaa tana irau irav motin vain toozi mako. I aat ileep tomania azaawa. Ve isaav ighe murei azaawa imaat, ve livaa tana ighe ivai muul, ene poia. I igham sosor eta mako. Eemon ivai sorok sov. I aat ighita le neer eta tau ighur ila to Tiina toit, o ivaii. *

⁴⁰ Eemon yau naghita naghe: Yes zinaara tau tivai muul mako, ve tileep sorok na, yes pale tintinzi

* **7:36:** Tamtamon siriv to Korin aat tigham ngar tigde ngar to vain, ene poia geeg ila Maaron maata mako. Tauta Paulus ibood saveen tane. Ngara siriv, matazi ingal tigde saveen tane inarui Korin siriv tau tiyokia natuzlivanja pa vain mako. Ve ngara siriv, matazi ingal tigde saveen tane inarui zeran siriv tau tisiigh zilivaa pazi, eemon yes rekia tivai zi mako. Tauvene zilivaa tawe tisanjan tisanjan le ndaman toozi izala wa. Ve ngara siriv, matazi ingal tigde saveen tane inarui tamtamon siriv tau tivai, eemon yesja azuwazja tiluplup zi pa ghenoon mako. Pasaa, tiroi: Isaav ighe yesja azuwazja tivalupu zi pa ghenoon, ene pale ipoon zi pa Maaron. * **7:38:** Hib 13:4 * **7:39:** Ro 7:2+; 2Kor 6:14

ve poia tiina to Maaron iza toozi iliiv yes tau tivai muul na. Saveenj tane, yau naghita naghe Maaron Avuvu igham pooz payau ve nasavia.

8

Paulus isavia watoonrau tau tamtamon tigham zi pa maaron karomnja

¹ Aiyo, naghe nasaav rig pa gabua tau tigham zi timin watoonrau pa maaron karomnja na.

Yam siriv asavsaav aghe: “Yei nisov lemai ngar. Nikankaan pa gabua tawe ngara mako.” Ene poia. Eemon ayamaan gham. Pa ngar toit, ene igham ghiit tapakur tauun ve taghe taliiv zetaannja siriv. Eemon ngar to loloon pa tauun, ene igham ghiit tail eez to tauul zetaannja ve tapalot zi. *

² Isaav ighe tamtamon eta igham ngar ighe i irau kat pa ngar, ene itotoi ighe i igham ngar irao soone. *

³ Eemon isaav ighe tamtamon eta loolo igheen to Maaron, ene Maaron iwataghi, ve ighamu imin le wa.

⁴ Aiyo, yam aghason ghau aghe irau taghan gabua tau tirav zi imin watoonrau pa maaron karomnja na, ma mako?

Iit tawatagh: Maaron karomnja ta naol ne, ene Maaron tauu mako. Ene gabua anunuzi sorok. Pasaa, Maaron eemon ta ilepleep. Ite paam mako. *

⁵ Onoon, tamtamon tighur ila to gabua maata maata to sambam saamba ve taan, ve tiwaat zi

* **8:1:** Mbanj 15:20; Ro 14:3

* **8:2:** 1Kor 3:18, 13:12; Ga 6:3

* **8:4:** 1Kor 10:19+; Ga 4:8; Ep 4:5+

tighe ‘maaron toozi’ ve ‘tiina toozi.’ ⁶ Eemon iit taghur ila to Maaron eemon. I Tamaan tau imin puughu pa gabua tisov, ve iit taleep to tabees pani. Ve taghur ila to Tiina to it eemon. Ene Yesu Kri. I ta imin eez pa gabua tisov tivot, ve i ta imin puughu pa lepoogh to it. *

⁷ Eemon tamtamon siriv tau ghuruun ila toozi iyaryaan soone na, tighilaal gabua tane mako. Pasaa, muun ve ilam, tibesbees pa maaron karomna. Tauvene aazne, isaav ighe tighan gabua eta tau tighamu imin watoonrau pa maaron karom eta, ene tiyamaan tauzi tighe tigham sosor ve tisaghat ila Maaron maata. * *

⁸ Onoon, gabua ta naol ne, isaav ighe taghan zi, ma taghan zi mako, ene irau igham ghiit tagharau Maaron, ma ipoon ghiit pani ne mako. Pa gabua tauvene irau igham ghiit tamin popoiaan, ma tasaghat ila Maaron maata ne mako. *

⁹ Eemon yam tau aghazoon pa gabua tane, ve awatagh aghe Maaron ingalsekin ghiit pa ghaniin gabua eta mako na, ayamaan gham. Pa ighe aghan gabua tauvene, ene pale agherev yes tau ghuruun ila toozi iyaryaan soone na, gha titap pa ghuruun ila toozi. *

* **8:6:** Yo 1:3+; Mbanj 17:28; Ro 11:36; Kol 1:16 * **8:7:** Saawe tau yes matazi dodoli tigham watoonrau, zeran to watoonrau tirav gabua tawe, ve timoz miiza sirivu izala artaal ilon ila rumei to maaron karom tawe. Ve sirivu, ene yes tau tila pa sunuun na, tighamu tivot tila muuri, ve timozi gha yesna zetazna siriv tighani, ma tighamu ila nugh to gholgholiin, leso tamtamon tigholi. * **8:7:** Ro 14:23; 1Kor 10:28+ * **8:8:** Mk 7:19; Ro 14:14 * **8:9:** Ro 14:13+; Ga 5:13

¹⁰ Yo tau ughazoon pa Maaron ngar tooni na, isaav ighe ughan ilon ila rumei to maaron karom eta, ene poia. Eemon ighe neer eta tau ghuruun ila tooni iyaryaan soone ve iroiroy pa ghaniin gabua tauvena, ighit ghom, ene aat ipazaagha to ighan gabua tawe paam. Tauvene murei, i pale iyamaan ighe i igham sosor ila Maaron maata. ¹¹ Uyamaan ghom wa? Neer tau ghuruun ila tooni iyaryaan soone ve iroiroy pa ghaniin gabua tauvene, i tonvetaz tsio tau Krisi imaat pani. Eemon ngar tau ughamu na, ene ivaghamunia. ¹² Yam aat matamim ingal tonvetaz tsiam siriv tau ghuruun ila toozi iyaryaan soone na. Isaav ighe agham zi tiyamaan tighe tigham sosor, ve lolozi ipatanan, ene yam agham sosor pazi, ve agham sosor pa Krisi paam. ¹³ Tauvene isaav ighe gabua eta tau taghani irau igham tonvetaz tsiau eta to Krisi itap pa ghuruun ila tooni, ene irau naghan gabua tana muul mako. Pa aat naghama tonvetaz tsiau tana itap ma vene. *

9

Puughu tau Paulus izor atuya tau yes Korin tighe tigham pani na

¹ Yau tane, tamtamon eta ingin ghau mako. Yau nanngin taug. Ve ezag pa uraat to mbanjoona, ve naghita katin Tiina toit Yesu. Ve uraat tau naghama toman Tiina toit tapiri na, anoonja tooni, ene lupuun tsiam. Yam Korin aghilaal gabua naol tane, ma mako? *

* **8:13:** Ro 14:19+ * **9:1:** Mban 9:3+; 1Kor 3:5, 4:15

² Onoon, tamtamon siriv tighita tighe yau mbanjoona tauu to Krisi mako. Eemon yam, o awatagh. Pasaa, uraat tau naghamu ila sosomim ve ighur anoonja ivot, tauta ipaghazonjai ghau ighe yau mbanjoona tauu to Tiina toit.

³ Yes tau tigabiiz ghau tighe yau mbanjoona tauu mako na, yau nayol saveenj toozi tauvene:
⁴ Mindai, yei tau nighamgham uraat to Tiina toit ne, lemai ezamai to nigham aniiñ ve yaa imin uraat tsiei atuya, ma mako? *

⁵ Onoon, yei uraata siriv nivai mako. Ve imin ta nivai ve azuwamaija tighur ila, kanan irau nigham zi ve yenja nilaghlaagh pa uraat to Krisi imin Petrus tomania mbanjoona siriv ve Tiina toit tazña tighamghamu. ⁶ Ma mindai, yam aghe yeiru Banabas mon nigham uraat pa nimamai, leso ni-uul taumai pa lepoogh tsiei, ve yes siriv mako?

⁷ Agham ngar pa yes zaaba. Toozi eta iil le maet ve aniiñ to ingin tauu pa lepoogh tooni? Mako. Ve isaav ighe tamtamon eta ivazogh vaen, pale tauu irau ighan anoonja mako? Mako. I pale ighan. Ve mindai, nginiñ to sipsip ve mekmek irau igham tuz toozi ve ighunu, ma mako? *

⁸⁻⁹ Mindai, saveenj tsiau tane, yau nasavia itaghon ngar to tamtamon? Mako. Pasaa, tutuun to Mose isavia saveenj raraate tauvene:

“Isaav ighe bapolo ighamgham uraat pa vaghazon wit leso uuli imolav, na upoon aavo sov.

I paam irau ighan siriv.” *

Mindai, Maaron igham ngar pa bapolo mon ve

* **9:4:** Lu 10:8 * **9:7:** 2Tim 2:6 * **9:8-9:** Lo 25:4; 1Tim 5:17+

ighur tutuun tane? ¹⁰ Mako. I isavia saveen tane inarui ghiit paam. Aghita. Yes tau timbut taan pa vazoghiin aniiñ, ve yes tau tindou wit ve tigham uraat pa walavoon uuli na, yes irau tighur matazi tighe murei pale uum taama ighur lezi abuzi. Puughu tane ta tibood tutuun tane pait. ¹¹ Saawe tau nigham uraat ila sosomim, yei nivazogh uuv popoia to Avuvu Patabuyaañ. Tauvene isaav ighe yam apamuul gabua siriv to auul ghei pa lepoogh tsiei, ene iduduun. Ma mindai? Aghita aghe yei nighur matamai payam pa gabua tiina eta? *

¹² Zeran siriv, yam aghit zi aghe yes lezi ezazi to tigham uleen ilat tsiam. Ene poia. Ngar tana iduduun. Eemon yei, o iduduun kat to nigham uleen siriv ilat tsiam.

Eemon muun ve ilam, yei niyok payam to auul ghei mako. Pa aat ipoon eez pa vaaru poia to Krisi. Onoon, eez tau nitaghoni pa uraat tsiei, ene igham patañani payei. Eemon saa patañani tau ighe ivot payei, yei irau nibaado. *

¹³ Yam awatagh mako? Yes tau tighamgham uraat ila Rumei to Maaron loolo na, tighanghan aniiñ to rumei. Ve isaav ighe tamtamon tigham gabua eta imin watoonrau, ene tighur gabua tana sirivu izala artaal imin watoonrau, ve sirivu izi pa yes tau tighamgham uratoi watoonrau na, leso tighani. *

¹⁴ Yes tau tivovotia vaaru poia na, tauvene paam. Tiina toit ighur tutuun pait ighe: Yes aat tigham

* **9:11:** Ro 15:27; Ga 6:6 * **9:12:** Mban 20:33+; 2Kor 11:7+; 1Tes 2:9 * **9:13:** Wkp 6:16, 26; Lo 18:1

lezi atuya pa uraat toozi to votiaan vaaru poia. Leso iuul zi pa lepoogh toozi. *

¹⁵ Tauvene yau leg ezag to naghham leg atuya pa uraat tsiau. Eemon muun ve ilam, nayok pa ngar tauvene mako. Ve aazne paam, nabood saveen tane to napaburigin gham, leso agham leg atuya ne mako. Lolog pa ngar tauvene mako kat! Pasaa, eez tau nataghoni pa uraat tsiau, tauta napakur ghau pani. Tauvene saawe tau naleep matag yaryaare, irau nayok payam to agham leg uleen eta ne mako. Aleep, namaat nala, o saa ngar tau aghe aghamu, na aghamu lak! *

¹⁶ Isaav ighe yau navotia vaaru poia, ene leg pu-ughu eta to napakur taug ne mako. Pasaa, Maaron tauu ighur uraat tane ila nimag. Tauvene yau aat naghhamu. Isaav ighe navotia vaaru poia mako, ene yau nakaria taug. *

¹⁷ Ve imin ta naghham uraat tane itaghton taug lolog, kanaj naghham ngar pa leg atuya. Eemon mako. Pasaa, namin besoonja to Maaron, ve i inumeer ghau ve ighur uraat tane ila nimag. *

¹⁸ Tauvene saa ta pale naghhamu imin leg atuya? Atuya tsiau, ene vene: Saawe tau navotia vaaru poia pa tamtamon, yau napoi pa atuya tau ezag pani ne mako. Naghham uraat pazi sorok. Ve ngar tane, ta igham ghau tintinig ve lolog poia. Atuya tsiau, tauta ene.

Paulus itaghton tamtamon gabuazi, leso igherev zi timin Krisi le

* **9:14:** Lu 10:7; 1Tim 5:17+ * **9:15:** Mbanj 18:3, 20:34; 2Kor 11:10 * **9:16:** Yer 20:9; Mbanj 26:16+; Ro 1:14+ * **9:17:** 1Kor 4:1; Ga 2:7; Kol 1:25

¹⁹ Yau tane, tamtamon eta ingin ghau mako. Nanjin taug. Eemon taug lolog ve namin besoonja pa tamtamon tisov, leso nagherv tamtamon katini timin Krisi le. *

²⁰ Tauvene saawe tau naleep tomania yes Yuda, yau nataghon zi pa gabuazi, leso nagherv zi timin Krisi le. Onoon, yau naleep ila tutuun toozi saamba mako. Eemon saawe tau naleep tomani zi, naleep imin yes tau tileep ila tutuun saamba na, leso nagherv zi timin Krisi le. *

²¹ Ve saawe tau naleep tomania nugh nugh tau tikankaan pa tutuun to yes Yuda na, yau nataghon gabuazi, ve naleep imin yes tau tikankaan pa tutuun tawe. Pasaa, naghe le nagherv zi paam timin Krisi le. Eemon yau nazoor tutuun to Maaron mako. Pasaa, yau naleep ila tutuun to Krisi saamba. ²² Isaav ighe naleep tomania yes tau ghuruun ila toozi iyaryaan soone, yau nataghon zi pa gabuazi ve lepoogh toozi. Leso napaburigin ghuruun ila toozi ve tileep tunja ila to Krisi. Tauvene yau nataghon tamtamon tisov gabuazi ve lepoogh toozi, leso naghham mulin tamtamon toozi siriv. Saa eez tau irau iuul zi, ene yau nataghoni. *

²³ Tauvene ngar isov tau naghhamgham zi ne, ene to vaaru poia ilaan irau tamtamon tisov. Leso yenja nighita poia to Maaron iza tsiei.

Mataan pirik parak pa parlosaan to Maaron

²⁴ Iit tawatagh: Isaav ighe parlosaan eta ivot, ene yes to landoon pale tisov tilaan. Ve tamta-

* **9:19:** Mt 20:26+; Ga 5:13 * **9:20:** Mban 16:3, 21:26 * **9:22:** Ro 15:1+; 1Kor 10:33

mon toozi eemon, ta pale ilaan le iliiv zeetņa ve igham le atuya. Tauvene matamim pirik parak pa parlosaan to Maaron, ve alaan toman tapirimim. Leso aliiv ve agham lemim atuya poia. *

²⁵ Tamtamon tisov tau tighe tilaan pa parlosaan eta na, tisapaar poi pa gabua maata maata. Leso tilaan toman tapirizi. Ve atuya tau tizuzuari zi pani na, ene igheen malau mako. Rehia mon ve isaghat. Eemon iit, o tazuari ghiit pa atuya poia tau pale igheen le alok. Irau isaghat mako. *

²⁶ Yau namin tamtamon tau ilanlaan ve maata ilala ilamlam ne mako. Yau matag iduduun pa nugh tau landoon ila isov pani na, ve nalaan ŋaruini. Ve yau namin ŋeer tau iparav ve isiksik niima soroksorok ne mako. Yau namin ŋeer tau isik niima, ve irav katin tamtamon. ²⁷ Yau naravrav katin taug anonag, leso natatan ŋgar sasaghati to lolog mungaana. Pa naroi. Ighe navotia Maaron aliinja pa tamtamon, ve ŋgar tsiau siriv isosor, ene pale murei tigham atuya tsiau ila pa tamtamon ite, ve taug naleep sorok. *

10

Isaav ighe tagham sosor, Maaron pale ighur atuya pait imin muun igham pa yes Israela

¹ Yam tonjetaz, yau naghe matamim ingal gabua tau muun ivot pa timbuunņa na. Saawe tau yesņa Mose tipul Isip, Maaron igham taitai ivot leso ipoon zi ve itotoi eez pazi. Ve yes tisov tileep ila

* **9:24:** Pil 2:16, 3:14; 2Tim 4:7+; Hib 12:1 * **9:25:** 1Tim 6:12; 2Tim 2:5; Yems 1:12; 1Pe 1:4, 5:4 * **9:27:** Ro 13:14; Pil 3:13+; Kol 3:5

taitai tawe saamba, ve tisov timbut Te Siŋsiŋai ve tila tivooll pa ziige ite. *

² Taitai ve te tawe ŋgara, ene imin yes Israela tigham yaa. Pasaa, saawe tana ve ila, yes titaghon Mose pa ŋgar tooni ve tigham lepoogh paaghu.

³⁻⁴ Ve aniin ve yaa tau Maaron Avuvu igham pazi na, yes tisov tighan ve tighun. Yaa tawe ivotvot ila maet to Maaron Avuvu tau itataghon zi pa laghoon toozi. Maet tawe, ene Kriŋi. *

⁵ Eemon murei, tamtamon toozi katini tizoor Maaron aliin̄a. Tauta aate yavyav pazi ve irav zi timatmaat izi nugh ŋginaan̄a. * *

⁶ Gabua tau ivot pa yes Israela pa saawe tana, ene imin totoyaan̄ pait. Leso taghilaal, ve loloon ighaar pa gabua sasaghati imin yes sov. *

⁷ Tauvene yam abees pa maaron karom̄a imin muun̄ yes Israela siriv tighamu na sov. Pa saveen̄ to Maaron isaav tauvene: [Saawe tau yes Israela tigharaat makau pa gol, ve tipait gabua tawe imin maaron toozi.]

“Eval tiina mbolezi izi pa ghanghaniin̄ ma ghunghunuun̄, ra tipaburigin mogheraan̄ tomania ŋgar sasaghati naol.” *

* **10:1:** Igham 13:21, 14:22+ * **10:3-4:** Igham 16:14, 17:1+; Nam

20:1+ * **10:5:** Tamtamon siriv to Korin tigham ŋgar tauvene: Yes tigham yaa wa, ve tighanghan̄ pasa. Tauvene isaav ighe timalaan̄ pa tutuun̄ to Maaron, ene kaut sorok. Pasaa, yaa tau tighamu, tomania pasa tau tighanghani na pale igharaat zi ila Maaron maata. Eemon Paulus isaav pa yes Korin ighe tinumeer yaa ve pasa geeg sov. Pa Maaron irau ighur zi mako. Isaav ighe tizoroor aliin̄a, i pale ivaghamun̄ zi raraate imin muun̄ ivaghamunia timbuz̄a.

* **10:5:** Nam 14:29+; Hib 3:17+; Jud 5 * **10:6:** Nam 11:4; Mbo

106:14 * **10:7:** Igham 32:6

⁸ Ve mataan saghati imin ngavuun sov. Pa Israela siriv tigham tauvene, ve tamtamon toozi 23,000 timatmaat pa aaz eemon. *

⁹ Ve tatoov Tiina toiti tapiri sov. Pa muun, Israela siriv tigham tauvene, ve moot sasaghati tivot ve tighan zi gha timatmaat. *

¹⁰ Ve tayau avoon pa Maaron tomania uraata tooni sov. Pa muun, Israela siriv tigham tauvene, ve anjela tau iravrav tamtamon na, irav zi timatmaat. *

¹¹ Gabua isov tau ivot pa yes Israela pa saawe tana, ene imin totoyaap pait. Tibood sinain to gabua tawe to ipaduduun iit tau aazne tazaa pa saawe to Maaron ighe ipasov gabua naol isov, leso tagharaat tauun. Mako pale patanani igham ghiit imin muun igham yes Israela. *

¹² Tauvene isaav ighe tamtamon eta inumeer tauu ighe i iyooz tunja, i aat iyamaan ghi. Mako pale itap. *

¹³ Tovaan tau ivotvot payam na, maata ite paam mako. Tovaan tsiam ta naol ne, raratezi imin tovaan tau monmon ivotvot pa tamtamon tisov. Ve yam irau anumeer Maaron. Pasaa, tovaan tau yam irau abaado mako, ene i irau ipuli ivot payam mako. Ve isaav ighe ipul tovaan eta ivot payam, i pale ighur lemim eez eta to apaghau taumim pani. Leso ayooz ariaan ve aliiv tovaan tana. *

Taleep soghan pa maaron karomja tomania

* **10:8:** Nam 25:1+; Mbo 106:29; Syg 2:14 * **10:9:** Igham 17:2-7;
 Nam 21:5+; Mbo 95:9 * **10:10:** Nam 14:2-37 * **10:11:** Ro 13:11;
 1Pe 4:7 * **10:12:** Ro 11:20 * **10:13:** 1Kor 1:9; 1Tes 5:24; 2Pe 2:9

rumei toozi

¹⁴ Tauvene yam zeran tsiau, ngar to tabees pa maaron karomņa, agharauu sov. Aleep soghan pani. *

¹⁵ Yam lemim ngar. Tauvene taumim irau agabiiz saveņ tau naghe nasavia ne. ¹⁶ Saawe tau taghun vaen ila rubruub, ve tapait Maaron pa poia tooni, ene igham ghiit tapaak Kriši ve siņ tooni imin leen. Ve mberet tau tateeva ve taghani na, tauvene paam. Ene igham ghiit tapaak Kriši ve miiza imin leen. *

¹⁷ Ve mberet eemon tau iit tasov taghani, tauta itotoi ighe iit tasov tamin ņeer eemon anoonņa. Ene Kriši. *

¹⁸ Ve matamim ingal ngar tau yes Israela titaghoni pa watoonrau toozi. Isaav ighe tigham gabua eta imin watoonrau, ene timoz sirivu izala artaal, ve tauzi tighan sirivu, leso yesņa Maaron tivalupu zi timin eemon. *

¹⁹ Ighe tauvene, pale tasaav mindai pa maaron karomņa ve watoonrau tau tamtamon tighamgham pazi na? Ene gabua tauu? Mako. Maaron toit mon ta Maaron tauu. *

²⁰ Watoonrau tau yes matazi dodoli tighamgham zi ila rumei toozi loolo na, ene tigham zi pa Maaron tauu mako. Tigham zi pa avuvu sasaghati. Tauvene yau naghe yam apaak zi pa ngar toozi tawe sov. Pa ighe apaak zi, ene imin yamņa avuvu sasaghati tawe avalupu gham amin eemon. *

* **10:14:** Mbaņ 15:20; 2Kor 6:16+; 1Yo 5:21 * **10:16:** Mk 14:22+

* **10:17:** Yo 6:33+; Ro 12:5; 1Kor 12:13, 27 * **10:18:** Wkp 7:15

* **10:19:** 1Kor 8:4+ * **10:20:** Lo 32:17; Syg 9:20

²¹ Aloonj. Yam irau aghun ila rubruub to Tiina toit, ve rubruub to avuvu sasaghati paam ne mako. Ve yam irau aghan ila boor to Tiina toit, ve aghan ila boor to avuvu sasaghati paam ne mako. *

²² Isaav ighe iit tagham tauvene, ene pale tagham Neer Tiina aate yavyav kat. Pasaa, ngar tooni iyaryaaj ighe taghur loloon ve ngar toit isov ila pani mon. Yam tau aghanghan ve aghunghun ila rumei to maaron karomja na, agham ngar mindai? Aghe tapiriin iliiv Maaron? *

Iit aat tagham ngar tau iuul zetaanja ve ipait Maaron eeza

²³ Tsiam siriv tisaav tighe: “Yei irau nigham ngar naol isov. Gabua eta le ngalsekiija mako.” Ene onoon. Eemon ngar isov irau iuul ghiit mako. Ve ngar isov irau ipalot ghiit mako. *

²⁴ Iit irau tagham ngar pa tauun mon mako. Iit aat tagham ngar pa zetaanja paam, ve tatoova to tauul zi ve tapalot zi pa ghuruunj ila toozi. *

²⁵ Tauvene yam aat ataghon ngar tane: Isaav ighe aghita gabua eta miiza igheen ila nugh to gholgholiinj, na aghason sov. Agholi ve aghani mon. Agham ngar naol sov. *

²⁶ Pasaa, Maaron aliija isaav ighe:

“Taan tomania gabua tisov tau tileep ve tigheen ila, ene to Neer Tiina.” *

²⁷ Ve isaav ighe tamtamon eta ighur ila to Kriisi mako, ve isain gham ighe yamja aghanghan ve

* **10:21:** 2Kor 6:15+ * **10:22:** Lo 32:21; Mbo 78:58 * **10:23:**

1Kor 6:12 * **10:24:** Ro 15:1+; 1Kor 13:5; Pil 2:4+ * **10:25:** 1Tim

4:4 * **10:26:** Mbo 24:1

lolomim aghe ala, ene poia. Ala lak. Ve saa aniin tau ighe tigham payam, na aghani mon. Aghason zi pani sov. Pa ighe tipaes payam tighe gabua tana ilam pa rumei to maaron karom eta, ve aghan gabua tana, ene pale agham ngar aghe asosor ila Maaron maata. *

²⁸ Eemon isaav ighe tamtamon eta ipaes payam ighe gabua miiza tana, ene watoonrau sirivu, na yam aghani sov. Pa ighe aghani, ene pale tamtamon tana ighita ighe yam agham sosor, ve i igham ngar naol. *

²⁹ Onoon, isaav ighe aghan gabua tana, ene pale taumim ayamaan aghe agham sosor ila Maaron maata mako. Eemon yam aat agham ngar pa etamim tana. Isaav ighe ighit gham aghan gabua tana, i pale ighita ighe yam agham sosor ve igham ngar naol. Eemon isaav ighe tamtamon eta isavia saveen tauvene pait mako, iit irau tataghon tauun gabizoon toit pa saa ngar ta poia ve saghati. Puughu mindai ta nataghon gabizoon to neer ite? *

³⁰ Isaav ighe yau naghan gabua tana toman lolog poia pa Maaron, puughu mindai ta tamtamon ite iyau aavo payau? *

³¹ Tauvene isaav ighe yam aghan, ma aghun, ma agham saa ngar ite paam, ene poia. Eemon saa ngar tau aghamu, yam aat aghamu to apait Maaron eeza, ve apaghazonai tapiri ve poia tooni. *

³² Tauvene yam irau agham ngar pa yes Yuda, ve yes Grika tau tighur ila mako na, ve lupuun to

* **10:27:** Lu 10:7+ * **10:28:** 1Kor 8:7+ * **10:29:** Ro 14:14+

* **10:30:** Ro 14:6; 1Tim 4:3+ * **10:31:** Kol 3:17; 1Pe 4:11

Maaron paam. Agham ngar eta to ireu ngar toozi sov. Agham ngar tau iduduun mon ila tamtamon tisov matazi. *

³³ Leso ataghon ngar tsiau. Aghita. Yau naghham ngar pa taug mako. Saawe isov, natoova to naghham ngar tau popoia mon ila tamtamon tisov matazi. Ve naghham ngar tau pale iuul zi, lesa Maaron igham mulin zi. *

11

¹ Tauvene yam irau ataghon ghau pa ngar tsiau, imin yau nataghon Kriisi pa ngar tooni. *

Tagharaat tauun mindai pa saawe to suruun?

² Yau napait gham pa ngar tsiam tau saawe isov matamim ingalngal ghau, ve akis Maaron aliinja tau nasavia payam na ariaan. Saveen tana, yau naghhamu ila to tamtamon siriv, ve anag nasakia ilat payam. *

³ Ve aazne, naghe yam awatagh kat tauvene: Kriisi, i imin daaba pa zitamoot tisov, ve zitamoot timin daaba pa azuwazna. Ve Maaron ta imin daaba pa Kriisi. *

⁴ Isaav ighe tamoot eta ipoon daaba pa gabua eta, ve isun ma ivotia Maaron aliinja pa tamtamon imin propet, ene ipamayanin daaba tooni, ene Kriisi. ⁵ Ve zilivaa tau tipoon dabazi mako, ve

* **10:32:** Ro 14:13+; 1Kor 8:13; 2Kor 6:3 * **10:33:** Ro 15:2; 1Kor 9:19+ * **11:1:** 1Kor 4:16+; Pil 3:17; 2Tes 3:7+ * **11:2:** 2Tes 2:15; 2Tim 1:13+ * **11:3:** Gnp 3:16; Ep 1:22, 5:23; 1Pe 3:1, 5

tisuŋ ma tivotia Maaron aliinŋa imin propet, ene yes tipamayanin daaba toozi, ene azuwazŋa. *

Zilivaa tauvene, ene raratezi imin zilivaa sasaghati tau tiin dabazi, leso tipamayanin zi.

⁶ Tauvene isaav ighe livaa eta ipakur ghi ve ipoon daaba mako, ene poia to tiin daaba. Leso maaya pa ngar tau i ighamu na ve ipuli. Ve isaav ighe livaa eta maaya pa tikot daaba raua izi, ma tiin daaba, ene i aat ipoon daaba.

⁷ Eemon zitamoot irau tipoon dabazi mako. Pasaa, yes tigham Maaron naagho, ve tileep to tipakur Maaron eeza pa tapiri ve poia tooni. Ve zilivaa tileep to tipakur azuwazŋa. *

⁸ Aghita. Muuŋ geeg, tamoot ivot ila to livaa mako. Livaa ivot ila to tamoot. ⁹ Ve Maaron igham ngar pa livaa ve ighur tamoot ne mako. I igham ngar pa tamoot, tauta ighur livaa to iuule. *

¹⁰ Puughu tane ta yes zilivaa irau tipoon dabazi. Leso titotoi tauzi tighe yes tileep ila azuwazŋa sambazi, ve ngar toozi iduduun ila yes aŋela matazi. †

¹¹ Eemon iit zilivaa ve zitamoot tau tapaak Tiina to it Krisi na, irau taleep leen leen mako. Pasaa,

* **11:5:** Yes Korin ngar toozi tauvene: Isaav ighe zilivaa tipoon dabazi, ene itotoi zi ighe yes zilivaa popoiazi tau tileep ila azuwazŋa sambazi. Ve ighe livaa eta ipoon daaba mako, ene itotoia ighe i nasolo tinazi, ve loolo pa ileep ila azaawa saamba mako. Grika tinazi lezi eez ru to tipoon dabazi. Ee, ene tigud uuli sirivu izala dabazi imin awedu. Ve ite, ene tipul dabazi raua itum tiina, ve timbuula ve tipoosa izala dabazi. * **11:7:** Gnp 1:26+ * **11:9:**

Gnp 2:18+; 1Tim 2:13 † **11:10:** Saawe tau iit talup ghiit pa sunuun, yes aŋela tilepleep tomani ghiit paam. Ughita Epesus 3:10 ve 1Pet 1:12.

zitamoot ve zilivaa irau tivaule zi. ¹² Agham ngar pa Adam gha Eva. Imin maata, livaa ivot ila to tamoot. Ve aazne, zitamoot tivotvot ila to zilivaa. Pasaa, zilivaa ta tipoop zi. Eemon Maaron ta imin puughu pa gabua isov. ¹³ Yam taumim irau agabiiz gabua tane. Isaav ighe alup gham pa suñuun, ve livaa eta ipoon daaba mako, ve isun pa Maaron, ene iduduun? ¹⁴ Saveen tsiau tane, ene itaghon iit gabuaan paam. Isaav ighe ñeer eta daaba raua tiina, ene taghita taghe ñeer tana ipamayanin tauu. ¹⁵ Ve isaav ighe livaa eta daaba raua tiina, ene ighamu paghuuna ila tamtamon matazi ve tipakuru. Daaba raua tawe, ene Maaron igham pani, leso ipoon daaba. ¹⁶ Isaav ighe tamtamon eta izoor alinag tane, ene nasaav pani tauvene: Yei lemai ngar ite paam pa gabua tane mako. Ve yei mon mako. Lupuun tisov to Maaron titaghon ngar eemon pa gabua tane.

Yes Korin tivaghamunia ngar to ghaniin pasa

¹⁷ Aiyo, naghe napaduduun gham pa ngar tsiam siriv tau iduduun mako. Irau napait gham mako. Pasaa, saawe tau alup gham pa suñuun, suñuun tsiam iuul gham mako. Ivavaghamun gham.

¹⁸ Saveen tau naghe nasavia payam imin maata, ene vene: Yau naloon varumim tighe saawe tau alup gham pa ghanghaniin ve suñuun na, yam avavalaghi gham ila ngun ngun, ve avavazorai gham pa savsaveen. Ve naghe saveen tane, ene aat onoon.*

¹⁹ Ngar tsiam tau avavalaghi gham, ene poia mako. Eemon ngar tauvene aat ivot. Leso tawatagh: Sei

* **11:18:** 1Kor 1:10, 3:3

ta Krisi tamtamon tooni ve ngar tooni iduduun ila i maata. *

²⁰ Saawe tau alup gham pa sunjuun, yam ataghon ghanghaniin to Tiina toit ngara mako. ²¹ Pasaa, yam agham ngar pa zeetmimnja ve asaan zi mako. Yam siriv matamim ghanghani, ve amuun ala agham lemim gha aghan. Ve tamtamon tsiam siriv tighun tiina le tisaghat. Tauta zeetmimnja siriv tau tilam murei na, lezi aniiñ mako ve pitool zi. ²² Mindai, irau aghan ve aghun izi taumim ruum tsiam mako? Ma aghe avelegh lupuun to Maaron ve apamayanin zeetmimnja siriv tau mbolaanja na? Pale nasaav mindai payam? Aghe napait gham pa ngar tsiam tana? Mako kat! *

*Paulus ipit saveen to pasa muul
(Mt 26:26+; Mk 14:22+; Lu 22:17+)*

²³ Saveen tau naghamu ila to Tiina toit ve muun nasavia payam, tauta aazne nayoli muul. Saveen tauvene: Mbon tau Yudas ighur Yesu ila koinja nimazi, Yesu igham mberet, ²⁴ ve ipait Maaron pani. Ra iteeva ve isaav ighe: “Ene yau mizag. Yau aat napul taug ve namaat payam. Ngar tau naghamu ne, matamim kisini ve ataghoñi, leso matamim ingal ghau.” ²⁵ Tighan le isov, ra itaghoñ ngar raraate pa rubruub vaen. Ighamu ve isaav pazi ighe: “Rubruub tane, ene sinjig tau pale imalin ve ipariaan saveen mbuaan to eez paaghu tau pale Maaron yesja tamtamon tooni tivalupu zi timin eemon. Saawe isov tau ighe yam aghun ila

* **11:19:** 1Yo 2:19 * **11:22:** Yems 2:5+

rubruub tane, ataghon ngar tau yau naghamu ne, leso matamim ingal ghau.” *

²⁶ Saveen tane, ngara tauvene: Saawe isov tau aghan mberet tana ve aghun ila rubruub vaen na, avotia mateegh to Tiina toit. Yam aat agham tauvene ila ila le irau muleen tooni.

²⁷ Tauvene tamtamon tau ighe ighan mberet ve ighun ila rubruub to Tiina toit, ve igham ngar tau iduduun pa pasa ngara mako, †

ene i igham sosor pa Tiina toit miiza ve siinji.

²⁸ Tauvene tamtamon aat tigabiiz poghania tauzi, o tighan mberet tana ve tighun ila rubruub. *

²⁹ Pasaa, mberet ve vaen, ene izaa to Tiina toit anoonja. Tauvene ighe tamtamon eta ighilaal gabua tane mako, ve ighani ma ighunu imin gabua sorok, ene igham sosor. Tamtamon tauvene, Maaron pale ighur atuya pani. ³⁰ Puughu tane ta tamtamon tsiam katini timomoroon ve tapirizi imbool. Ve siriv, timaat wa. ³¹ Ve imin ta tagabiiz tauun poi ve taghan pasa, kanan Maaron irau ighur atuya tauvene pait mako. ³² Eemon isaav ighe i igabiiz ghiit ighe tagham sosor, ve ilos ghiit to ipaduduun ghiit, ene poia. Mako pale takis ngar saghati toit, ve saawe to Mbonj Murei, i ighur atuya pait, ve itinja eval tiina to taan talaleen. *

³³ Tauvene yam tonvetaz tsiau, isaav ighe alup gham pa ghanghaniin ve sunjuun, na asanjan zeet-

* **11:25:** Igham 24:3+; Hib 8:8, 9:15+ † **11:27:** Yes Korin tigham ngar naol tau iduduun pa pasa ngara mako. Pasaa, saawe tau tighan pasa, yes tilup lolozi imin eemon mako. Tivelegh zetazja siriv tau mbolaanja na, ve tivavalaghi zi tileep lez lez. * **11:28:** 2Kor 13:5

* **11:32:** Mbo 94:12+; 2Kor 7:10; Hib 12:7+; Syg 3:19

mimnja le yam asov aghan raraate. ³⁴ Ve ighe tamtamon eta pitoon matini, ene poia to ighan pataghaan izi ruum tooni. Le isov, o ila pa lupuun tsiam. Leso saawe tau alup gham, agham sosor ila Maaron maata sov, ve i ighur atuya payam sov. Yau leg saveen siriv ighengheen soone. Eemon irau nasavia aazne mako. Taug nalat peria, o nasavia.

12

Maaron Avuvu irei uraat ve ngar maata maata pait

¹ Yam tonvetaz, uraat ve ngar maata maata tau Maaron Avuvu irei zi pait ne, yau naghe yam akankaan pazi sov.

² Matamim ingal imuul ila pa muun, saawe tau yam akankaan pa Maaron. Saawe tana, tighegherev gham ala ve asunsun pa maaron karomnja tau lezi avozi mako. *

³ Tauvene yau naghe nasaav ghazonja payam: Tamtamon tau Maaron Avuvu ighamgham pooz pani na, i irau isik saveen saghati injarui Yesu mako. Ve tamtamon eta irau isaav sorok ighe Yesu, i Tiina toit, ne mako. Maaron Avuvu igham pooz pani, o isaav tauvene toman loolo. *

⁴ Maaron Avuvu ireirei uraat ve ngar maata maata pait. Uraat ve ngar isov tawe, ene Avuvu eemon ta imin puughu pazi. *

⁵ Besoon toit itaghon eez maata maata. Eemon tasov tabees pa Tiina eemon, ene Yesu. ⁶ Ve

* **12:2:** Mbo 115:4+; 1Tes 1:9 * **12:3:** Mt 16:17; 1Yo 4:2+

* **12:4:** Ro 12:6+; Ep 4:11+; Hib 2:4

Maaron eemon ta ighamgham uratoi iit tasov, ve ipapalot ghiit, tauta taghamgham uraat maata maata ila i tauu tapiri.

⁷ Maaron Avuvu ileep tomania iit tasov, ve ireirei tauu tapiri tomania uraat ve ngar maata maata irau ghiit, leso tapalot lupuuŋ to Kriŋi pani.
*

⁸ Tamtamon ee, Maaron Avuvu ipaghazonjaini pa Maaron ngar tooni, leso ivotia ngar tawe pa tamtamon. Ve ite, Maaron Avuvu igham le ngar popoia siriv, leso ipaduduunŋ tamtamon pani. ⁹ Ve ite, Maaron Avuvu eemon tawe ipalot ghuruunŋ ila tooni le iyaryaŋ kat. Ve ite, Maaron Avuvu igham le tapiri to iuul yes moroghoonja ve tinizi poia. *

¹⁰ Ve ite, i le tapiri to igham gabua ngeretazi. Ve ite, i ivovotia Maaron aliinja pa tamtamon imin propet. Ve ite, i irau ighilaal gabua tau ivotvot ne: Maaron Avuvu imin puughu pani, ma avuvu ite paam? Ve ite, Maaron Avuvu ipaburigini gha isavia saveenŋ imin kaolaŋ tau tamtamon tiloonja, eemon tikankaan pa puughu. Ve neer ite, Maaron Avuvu ipaghazonjaini pa saveenŋ tawe puughu, leso ivotia pa tamtamon ve tighazonŋ pani. *

¹¹ Ngar ve uraat isov tana, Avuvu eemon ta imin puughu pazi. I ireirei zi irau iit enjaenja itaghon tauu loolo. *

Iit tau taleep ila lupuuŋ to Kriŋi na, tamin Kriŋi anoonja siriv siriv

* **12:7:** 1Kor 14:26; 1Pe 4:10+ * **12:9:** Mk 16:17+; 1Kor 13:2; Yems 5:14 * **12:10:** Ro 12:6; 1Kor 13:1-2, 14:2+ * **12:11:** Hib 2:4

¹² Iit tawatagh: Anonjaan, ene eemon. Ve i le gabuaanja katini imin nimaan, agheen, mataan, ve gabua siriv paam. Eemon anonjaan gabuaanja tisov, ene tilup zi timin gabua eemon. Lupuuj to Krisi, ene ngara raraate mon. *

¹³ Pasaa, iit tamtamon maata maata. Siriv, yes Yuda, siriv Grika. Siriv, besoonja. Ve siriv, besoonja mako, tingin tauzi. Eemon saawe tau tagham yaa, ila uraat to Maaron Avuvu eemon, iit tamin Krisi le. Ve Avuvu tawe ta ilup ghiit tamin Krisi anoonja eemon. Ve Maaron igham Avuvu eemon pa iit tasov. Avuvu tawe imin yaa maata yaryaare pait ve ipapalot ghiit. *

¹⁴ Iit tawatagh: Anonjaan, gabuaanja eemon mako. I le gabuaanja katini. ¹⁵ Aghita. Isaav ighe tamtamon eta aaghe igham ngar tauvene: “Ighe yau namin neer tane niima, kananj poia. Eemon mako. Tauta irau napaak anoonja mako.” Pale irau ipul niia, ve ila ileep soghan? Mako. Pasaa, i neer tana anoonja sirivu. ¹⁶ Ve isaav ighe neer tana taliinja igham ngar ighe: “Ighe yau namin neer tane maata, kananj poia. Eemon mako. Tauta irau napaak anoonja mako.” Pale irau ipul niia, ve ila ileep soghan? Mako. Pasaa, i neer tana anoonja sirivu. ¹⁷ Ve mindai? Isaav ighe anonjaan gabuaanja tisov titoor zi timin mataan mon, pale irau taloon saveen? Ma ighe titoor zi timin taliinjaan mon, pale irau tanuujuz gabua vaazi? Mako.

¹⁸ Iit anonjaan vene mako. Maaron itaghon tauu loolo, ve ighur anonjaan gabuaanja ta naol ne, lesa tighamuur uraat toz toz. ¹⁹ Aghita.

* **12:12:** Ro 12:4+; 1Kor 10:17 * **12:13:** Yo 7:37+; Ga 3:28; Kol 3:11

Isaav ighe anonaan gabuaana tison titoor zi timin gabuaana eta mon, pale taghita taghe ene tamtamon anona? Mako. ²⁰ Anonaan, i le gabuaana katini. Ve gabuaana tison tilup zi timin gabua eemon. *

²¹ Tauvene mataan irau ivelegh nimaan ve isaav ighe: “Ah, yau leg uraat eta payo mako!” Vene mako. Ve dabaan tauvene paam. Irau isaav tauvene pa agheen mako. Pasaa, anonaan gabuaana tison, lezi uraat. ²² Ve agham ngar pa gabua siriv tau tigheen ila loloon ne imin ateen ve kodkodaan. Onoon, taghita gabua tawe taghe arianazi mako. Eemon lezi uraat tintiina. Ighe tigheen mako, ene pale tamaat. ²³ Anonaan gabuaana siriv tau taghe poia to tamtamon tighit zi mako ve mamayaan pazi ne, ene tapakur zi. Pasaa, monmon mataan ingalngal zi, ve taponpoon zi. ²⁴ Eemon anonaan gabuaana siriv tau popoia to tamtamon tighit zi na, tagham ngar tauvene pazi mako. Tapul zi tigheen sorok. Maaron ta ighur anonaan gabuaana ta naol ne, ve ilup zi timin eemon. Ve anonaan gabuaana siriv tau taghit zi taghe gabua sorok ve lezi ezazi mako ne, i ipakur zi tiliiv anonaan gabuaana siriv. ²⁵ Maaron igham tauvene, leso anonaan gabuaana tivazorai zi ve tivavalaghi zi sov. I ighe tilup zi timin eemon, ve tirarar poi pa tauzi ve tivaule zi. *

²⁶ Iit tawatagh: Isaav ighe anonaan gabuaana eta iyamaan vavyavuun, ene pale anonaan isov

* **12:20:** Saveen tau Paulus isavia pa anonaan, ene iza to lupuun to Kri. Pasaa, Maaron Avuvu ilup Kri tamtamon tooni timin eemon, ve ireirei uraat ve ngar maata maata irau zi, leso tipalot lupuun to Kri. * **12:25:** 1Kor 1:10-12

iyamaan yavyavuun. Ve ighe tipait anoonaan gabuaaŋa eta, ene pale anoonaan gabuaaŋa tisov lolozi poia ve tintinizi.

²⁷ Lupuun tsiam, ene imin Kriŋi anoonaa. Ve yam eŋaenaa amin anoonaa tana gabuaaŋa siriv siriv. *

²⁸ Lupuun to Kriŋi, Maaron ighur yes mbaŋoonaa to timuun pani, mako yes tau timin propet ve tivotia Maaron aliina pa tamtamon. Ve imin tol pani, ene yes tau tipaduduun tamtamon pa Maaron aliina. Mako yes tau tighamgham gabua ngeretazi, ve yes tau Maaron irei tapiri pazi leso tiuul moroghoonaa, ve yes tau tighamgham uraat pa uleen zetazaa, ve yes tau lezi ngar pa nginiin uraat, ve yes tau Maaron Avuvu ipaburigin zi gha tisavia saveen imin kaolaan. *

²⁹ Mindai? Tamtamon tisov timin mbaŋoonaa to Kriŋi? Ma tisov timin propet ve tivotia Maaron aliina pa tamtamon? Ma tisov tipaduduun tamtamon pa Maaron aliina? Ma tisov irau to tigham gabua ngeretazi? ³⁰ Ma Maaron irei tapiri pa tamtamon tisov leso tiuul moroghoonaa? Ma Maaron Avuvu ipaburigin tamtamon tisov to tisavia saveen imin kaolaan? Ma tisov irau to tivotia saveen kaolaan tawe puughu? Mako. ³¹ Tauvene Maaron Avuvu irei uraat ve ngar maata maata pait. Ve yam aat azuari gham to agham uraat ve ngar tau iuul katin lupuun to Kriŋi. Aiyo, naghe nasavia ngar ee tau poia kat iliiv ngar ta naol ne. *

* **12:27:** Ro 12:5+ * **12:28:** Ep 2:20, 4:11+ * **12:31:** 1Kor 14:1

13

Ngar to loloon pa tamtamon, ene iliiv ngar isov

¹ Isaav ighe yau irau nasaav ila nugh nugh aliŋazi, ma aŋela aliŋazi, eemon lolog pa tamtamon mako, ene yau namin belo ma ambam tau itaŋ sorok toman aliŋa tiina. ² Ve isaav ighe navotia Maaron aliŋa pa tamtamon imin propet, ve naghazoon pa ngar tooni yonŋaanja isov, ve nawatagh katin ngar popoia isov, ve ghuruun ila tsiau iyaryaan kat irau to nasaav ve loloz tighau tila pa ziige ite, ene poia. Eemon isaav ighe lolog pa tamtamon mako, ene yau namin gabua sorok. *

³ Ve isaav ighe narei gabua tsiau naol isov pa yes mbolaanja, ve napul taug ila Maaron koinja nimazi ve tighur ghau nala yav ighan ghau, eemon lolog pa tamtamon mako, pale naghama saa imin leg atuya? Mako.

⁴ Ngar to loloon pa tamtamon, ene vene: Tagham poghania tamtamon. Ve isaav ighe tamtamon tigham patanani pait, ene pale tayai ghiit, ve tabaado mon. Ve ighe taghita zetaanja lezi gabua katini, ene irau ireu loloon mako. Ve irau tapait tauun ve taghe taliiv zetaanja mako. *

⁵ Ve tagham ngar eta isosor ila tamtamon matazi mako, ve mataan ingal tauun mon mako. Ve ateen yavyav soroksorok mako, ve mataan kisin sosor to tamtamon mako. *

* **13:2:** Mt 17:20; 1Kor 12:8, 28 * **13:4:** 1Pe 4:8 * **13:5:** Ro 13:10; 1Kor 10:24, 33; Pil 2:4

⁶ Ve ngar tau ighe iduduun mako na, ene pale tintiniin pani mako. Ve saa saveen ma ngar tau onoon, ene pale loloon poia pani. *

⁷ Ve saa ngar tau ighe ivot, ene gabua eta irau igham ghiit taghur muriin pa tamtamon mako. Saawe isov, iit pale tanumeer Maaron, ve taghur ila ariaan taghe i pale igham gabua isov ivot poi. Ve saa patanani tau ighe ivot pait, ene pale tayooz ariaan ve tabaado. *

⁸ Ngar to loloon pa tamtamon irau isov mako. Ighengheen irau saawe. Eemon ngar to voti-aan Maaron aliija imin propet, ene murei pale Maaron ipasovu. Ve ngar tau Maaron Avuvu ipaburigin ghiit gha tasavia saveen imin kao-laan, ene pale isov. Ve uraat tau Maaron Avuvu ighamghamu leso ipaghazonai ghiit pa ngar siriv, ene paam pale isov. ⁹ Aghita. Iit tagham ngar irao soone. Ve Maaron aliija tau tavotia pa tamtamon imin propet na, tauvene paam. Tasavia siriv siriv mon. *

¹⁰ Ve tala tala le ighe saawe to gabua tauu ivot, ene pale Maaron ipasov gabua isov tau aazne taghamgham siriv siriv ne. *

¹¹ Muun, saawe tau yau kukuag, saveen tomania ngar ve gabizoon tsiau, ene ngaala imin to yes geegeu. Eemon aazne, namin olman gha ngar tsiau imatuugh wa. Tauta napul ngar to geegeu

* **13:6:** Mbo 15:2+; Ro 12:9; 1Pe 1:22; 3Yo 3-4 * **13:7:** Ro 15:1; Ga 6:2; 2Tim 2:24 * **13:9:** 1Kor 8:2+ * **13:10:** Ep 4:13; Pil 3:12

ileple. * *

¹² Aazne, iit taghita gabua to Maaron ighazoon geeg mako. Ene imin taghita gabua tawe anunuzi ila natiloŋa. Eemon murei, itiŋa Maaron pale tavaghito ghiit. Aazne, yau naghām ŋgar siriv mon. Ve murei pale nawatagh kat, imin Maaron iwatagh katin ghau. *

¹³ Tauvene ŋgar tintiina tol ta tighengheen: ŋgar to ghuruuŋ ila, ŋgar to ghuruuŋ mataan pa Maaron, ve ŋgar to loloon pa Maaron ve tamtamon. Ve ŋgar tol tane, ŋgar tau imuuŋ, ene ŋgar to loloon pa Maaron ve tamtamon. *

14

Ŋgar to votiaaŋ Maaron aliŋa imin propet, ene iliiv ŋgar to tasavia saveeŋ imin kaolaan

¹ Tauvene yam azuari gham pa ŋgar to loloon pa Maaron ve tamtamon, tomania ŋgar ve uraat isov tau Maaron Avuvu irei zi pait ne. Ve ŋgar ee tau yam aat azuari gham pani kat, ene ŋgar to tavotia Maaron aliŋa pa tamtamon imin propet.

² Pasaa, yes tau Maaron Avuvu ipaburigin zi gha tisavia saveeŋ tau tamtamon tilooŋa imin kaolaan na, tisavsaav pa tamtamon mako. Tisavsaav pa Maaron. Ve saveeŋ tau tisavia na, ene puughu

* **13:11:** Paulus isavia saveeŋ tane iza to tauu. Eemon saveeŋ tane iŋarui yes Korin. Pasaa, ŋgar tau yes tighamghamu na, ene itotoi zi ighe ŋgar toozi imatuugh soone (1Kor 3:1). Paulus ighita ighe ŋgar to loloon pa Maaron ve tamtamon, ene gabua tiina kat. Iliiv ŋgar ta naol ne. Eemon yes Korin titaghon ŋgar tauvene irao soone. * **13:11:** 1Kor 3:1 * **13:12:** 2Kor 3:18; 1Yo 3:2; Syg 22:4 * **13:13:** Kol 1:4+; 1Tes 1:3, 5:8; 1Yo 4:16

iyoon. Tauta tamtamon tiloonja ve tikankaan pani.
³ Eemon yes tau tivotia Maaron aliinja imin propet na, tisavia saveen tau tamtamon irau tiloonja ve tighazoon pani. Tauta tipalot zetazja ve tiseen ngar toozi, ve tirav atezi leso lolozi poia, ve tipari-aan zi to titaghon ngar poia. ⁴ Tamtamon tau Maaron Avuvu ipaburigin gha isavia saveen imin kaolaan na, i ipalot eval tiina mako. Ipalot tauu mon. Ve isaav ighe neer eta ivotia Maaron aliinja imin propet, ene i ipalot yam asov tau aleep ila lupuun to Krisi na, ve iseen ngar tsiam.

⁵ Yau naghe Maaron Avuvu ipaburigin yam asov gha asavia saveen imin kaolaan, o poia. Eemon ighe yam asov avotia Maaron aliinja imin propet, ene pale poia kat. Tauvene isaav ighe tamtamon eta isavia saveen imin kaolaan, na i aat ivotia saveen tana puughu paam. Leso ipalot lupuun to Krisi, ve iseen ngar toozi. Ve ighe mako, ene ngar to votiaan Maaron aliinja imin propet ta poia kat iliiv ngar to tasavia saveen imin kaolaan.*

⁶ Yam tonvetaz, isaav ighe yau nalat ve nasavia saveen imin kaolaan, ene pale nauul gham mindai? Mako. Yau aat navotia gabua siriv tau Maaron ipaghazonai ghau pani, ma naseen ngar tsiam pa ngar siriv, ma napaduduun gham pa ngar siriv, ma navotia Maaron aliinja payam imin propet, o nauul gham. Pa ighe nasavia saveen tauvene, yam aat aghazoon pa puughu. ⁷ Agham ngar pa gabua siriv tau tigharaat zi gha titan, imin pirai ve gita. Gabua tawe, tauzi irau titan mako. Taviv zi, ma tarav zi, o titan. Eemon isaav ighe

* 14:5: Nam 11:26-29

titaŋ poi mako, ene pale tawatagh mboun aliŋa mindai? ⁸ Ve tavuur tau tivivu pa malmal na paam, ighe itaŋ poi mako, ene pale sei igharaat ghi pa malmal? ⁹ Yam tauvene paam. Isaav ighe asavia saveeŋ imin kaolaan tau tamtamon tighazon ŋar pa saveeŋ puughu mindai? Mako. Saveeŋ tsiam pale imin yaghur. ¹⁰ Onoon, tamtamon tau tileep izi taan ne, aliŋazi ite ite. Ve aliŋazi tawe, tisov lezi pughuzi. Tauvene sei tau ighe iwatagh nugh eta aliŋazi, ene aat ighazon ŋar pa. ¹¹ Eemon isaav ighe tamtamon eta isavsaav, ve yau nawatagh aliŋa mako, ene pale yeiru nivaghito ghei imin i to nugh ite, ve yau to nugh ite. ¹² Yam tauvene paam. Aazne, azuari gham pa uraat ve ŋar maata maata tau Maaron Avuvu irei zi pait ne. Ene poia. Eemon yam aat azuari gham kat pa uraat ve ŋar tau ipapalot lupuun to Krisi.

¹³ Tauvene isaav ighe Maaron Avuvu ipaburi-gin tamtamon eta gha isavia saveeŋ imin kaolaan, ene i aat ighason Maaron to iuule pa toraan saveeŋ tawe. Leso zeetŋa tiloon ve tighazon ŋar pa. ¹⁴ Isaav ighe nasuŋ ila saveeŋ imin kaolaan, ene Maaron Avuvu tau ileep ila lolog, tauta isavsaav. Eemon saveeŋ tau nasavia ne iuul ŋar tsiau mako. ¹⁵ Tauvene pale nagham mindai? Yau aat nalup rugharu. Saawe siriv tau nasuŋ, Avuvu tau ileep ila lolog ne, isavsaav. Ve saawe siriv, nasuŋ ve ŋar tsiau ighazon pa saveeŋ tau nasavia ne. Ve saawe siriv tau nambou mboun to sunuun, Avuvu tau igheen ila lolog ne, imbou. Ve saawe siriv, nambou ve ŋar tsiau ighazon pa

mbounj tau nambouia ne. *

¹⁶ Aghita. Isaav ighe tamtamon eta ilat ilup tomani gham pa sunjuun, ve Maaron Avuvu ipaburigin ghom ve upait Maaron pa poia tooni toman lolom poia, ve tamtamon tana ikankaan pa saveenj tsio puughu, ene pale iyok pani ighe: “Onoon” mindai? Mako. Pa saveenj tau yo usavia na, i ikankaan pa puughu. ¹⁷ Onoon, yo usavia saveenj poia ve upait Maaron pa poia tooni. Eemon saveenj tsio irau ipalot tamtamon tana mako.

¹⁸ Yau lolog poia pa Maaron ve napakuru pasaa, nasavia saveenj imin kaolaan le naliiv gham asov.

¹⁹ Eemon saawe tau naleep tomania Maaron tamtamon tooni pa sunjuun, yau naghe nasavia saveenj tau tamtamon tisov irau tiloonja ve tighazoonj pani. Isaav ighe nasavia saveenj ziiri liim mon tau tamtamon tighazoonj pazi, ene poia ve iliiv saveenj ziiri ndinndin ndinndin (10,000) tau tamtamon tikankaan pazi. ²⁰ Yam tonvetaz, agham ngar imin yes geegeu muul sov. Yam amin zolman wa. Tauvene yam aat agham ngar matuugha imin yes zolman. Eemon ngar saghati, yam aleep soghan pani, imin yes geegeu tau tighunghun tuz. *

²¹ Maaron alinja isaav ighe: Muun, Maaron aate yavyav pa yes Israela, ve isaav pazi ighe:

“Yau aat naghham zeran to nugh ite tau alinjazi ite na, tilam ve tingin tamtamon tsiau tane, ve navotia alinjag pazi ila zeran tawe avozi. Eemon alinjag tau tisavia ne, yes Israela pale tiloonja mako.” *

* **14:15:** Ep 5:19; Kol 3:16 * **14:20:** Ro 16:19+; 1Kor 3:1; Ep 4:14+; Hib 5:12+ * **14:21:** Is 28:11+

²² Saveen tane ipaghazonai ghiit ighe ngar to tasavia saveen imin kaolaan, ene imin ilaal pa yes tau tighur ila ne mako. Ene imin ilaal pa yes tau tighur ila mako na, leso ipaburigin ngar toozi pa Maaron. Ve ngar to votiaan Maaron aliina imin propet, ene imin ilaal pa yes tau tighur ila soone ne mako. Ene imin ilaal pa yes tau tighur ila na, leso tighilaal tighe Maaron ileep tomani zi.

²³ Aghita. Isaav ighe alup gham pa sunuun, ve yam asov asavia saveen imin kaolaan, ve ighe tamtamon siriv tau tighur ila soone ve tikankaan pa Maaron na, tilat tomani gham pa sunuun, ene pale tighit gham tighe yam avaghamgham imin borauna! ²⁴ Eemon isaav ighe tamtamon tauvene ilon ilat, ve iloon yam asov avotia Maaron aliina imin propet, ve asavia saveen tau i ighazon pan, ene pale saveen tsiam ingali, ve ighamu ighilaal sosor tooni ve atuya tau pale izaa tooni. *

²⁵ Tamtamon tana pale iyamaan ighe ngar isov tau iyoon ila loolo na, yam asavia ivot ighazon wa. Tauvene i pale itap izi taan, ve ipait Maaron eeza, ve isaav ighe: “Onoon kat, Maaron ilepleep tomani gham.”

Eez to sunuun ilaan duduun

²⁶ Tauvene yam tonvetaz, pale tasaav mindai? Saawe tau alup gham pa sunuun, na yam asov agham uraat leirau gham. Neer ee, i imbou mboun to ipakur Maaron. Ve ite, i ipaduduun gham pa Maaron aliina. Ve ite, i isavia ngar yongaana siriv tau Maaron ipaghazonaini pan na. Ve ite, i isavia saveen imin kaolaan. Ve ite, i ivotia saveen tana

* **14:24:** Yo 16:8; Mban 2:13

puughu payam. Ve saa n̄gar tau yam aghe aghamu, yam aat aghamu to apalot lupuun̄ to Krisi. *

²⁷ Isaav ighe Maaron Avuvu ipaburigin tamtamon gha tisavia saveen̄ imin kaolaan̄, na eval irau tisaav mako. Tamtamon ru ma tol, ene irau. Ve saawe tau aghe asaav, na yam aat asaan̄ zeet-mim̄na. Tamtamon ee isavsaav le isov, o tamtamon ite aana. Ve tamtamon eta aat ivotia saveen̄ toozi puughu. Leso eval tiina tighazon̄ pani.

²⁸ Ve isaav ighe tamtamon eta irau ivotia saveen̄ tawe puughu mako, ene irau tisaav aliñazi tiina ila lupuun̄ to Krisi mako. Tineneen̄ mon, ve tisavsaav toman Maaron ila lolozi.

²⁹ Yes tau tivotia Maaron aliñna imin propet na, tauvene paam. Tamtamon ru, ma tol tisavsaav le isov, o yam siriv agabiiz saveen̄ toozi: Iduduun̄, ma mako? *

³⁰ Ve isaav ighe tamtamon eta isavsaav, ve tamtamon ite ileep ve Maaron ivotia n̄gar eta pani, ene i tau isavsaav na, irau ineneen̄ ve ighur sooso pa iitete, lesa aana isavsaav. ³¹ Tauvene yam to avotia Maaron aliñna imin propet na, irau ataghon n̄gar tauvene: Tamtamon ee isavia saveen̄ tooni le isov, mako ite aana isavsaav. Leso aseem̄ n̄gar to tamtamon tisov, ve apalot zi. ³² Aloon̄. Isaav ighe n̄eer eta loolo ipazaagha ighe ivotia Maaron aliñna imin propet, ene i aat irau iyai ghi, ve isaan̄ le iitete ipasov saveen̄ tooni, o aana isavsaav.

³³ Pasaa, Maaron toit, i Maaron to ikaukau n̄gar mako. I ighe gabua naol isov ilaan̄ dududuun̄ mon. Ve i ighe iit tasov talup ghiit tamin eemon ve

* **14:26:** Ro 14:19; 1Kor 12:7+; Ep 4:12 * **14:29:** Mban̄ 17:11; 1Tes 5:20+; 1Yo 4:1

tataghon ngar luuma. Tamtamon tisov to Krisi titaghon ngar tauvene ila lupuun toz toz.

³⁴ Isaav ighe alup gham pa sunuun, na zilivaa irau tisavsaav mako. Yes aat tineneen mon, titatan tauzi, ve tileep ila zitamoot sambazi itaghon tutuun to Maaron. *

³⁵ Isaav ighe lezi ghasoniin siriv, na tila ruum toozi, o tighason azuwazna. Pa ighe livaa eta isavsaav ila lupuun tsiam loolo, ene igham mayana. *

³⁶ Laak, yam tau azoroor ghau ne, mindai? Aghe Maaron aliina ivot tsiam muun, ra ila pa nugh siriv? Ma aghe yam mon ta saveen to Maaron ilat ivot tsiam? ³⁷ Aloon. Isaav ighe tamtamon eta igham ngar ighe i propet to Maaron, ve itaghon ngar to Maaron Avuvu, na i aat ighilaal ighe saveen tau naboode payam, ene tutuun to Tiina toit, ve iyok pani. *

³⁸ Ve isaav ighe tamtamon eta maata veleghin saveen tsiau tane, na matamim ila pani sov. †

³⁹ Tauvene yam tonvetaz, azuari gham pa ngar to votiaan Maaron aliina pa tamtamon imin propet. Ve yes tau Maaron Avuvu ipaburigin zi gha tisavia saveen imin kaolaan na, angalsekin zi sov. *

* **14:34:** Ep 5:22; Kol 3:18; 1Tim 2:11+ * **14:35:** Yes Grika tighita tighe saveen tau zilivaa tisavia, ene gabua to eval tiina mako. Ene gabua azuwazna zitamoot mon. Saveen ziiri tane, puughu ighazon mako. Livaa tau isavsaav ila lupuun to Krisi loolo na, igham mayana pa sei? Igham mayana pa tauu, azaawa tamoot, ma lupuun to Krisi. * **14:37:** 2Kor 10:7; 1Yo 4:6

† **14:38:** Eez ite to tator saveen tane, ene vene: “Ve isaav ighe tamtamon eta izoor saveen tsiau tane, ene i paam Maaron pale izori.” * **14:39:** 1Kor 12:31; 1Tes 5:20

⁴⁰ Yam aat ataghon dudunai sunuun ngara ta naol ne, lesu sunuun tsiam ilaan poi, ve iduduun mon.

15

Krisi imaat ve iburig pa mateegh wa

¹ Yam tonvetaz, yau naghe napei ngar tsiam muul pa vaaru poia tau navotia payam gha aghamu wa. Vaaru poia tane, ta aazne azyooz ila. ² Vaaru poia tau muun navotia payam na, isaav ighe aghur ila ve akisi tunja, ene aat imin eez payam to Maaron igham mulin gham. Eemon isaav ighe akisi mako, ene aat imin kaut sorok ve aghita ghuruun ila tsiam anoonja mako. *

³ Saveen tiina kat tau muun tisavia payau ve anag nasakia ilat payam, ene vene: Krisi, i igham niaan ve imaat pa sosor toit itaghon Maaron aliinja tau tiboode pataghaan na. *

⁴ Ve titavia izila mateegha niazi ve mbon imin tol, ra Maaron ipaburigini pa mateegh. Ene paam itaghon Maaron aliinja tau tiboode pataghaan na. *

⁵ Saawe tau iburig, i ila ivot to Petrus imin maata. Ra ila ivot to mbanjoonja tooni tisov gha tighita. *

⁶ Murei ra, i ila ivot to tonvetaz tooni irau 500 ve geege siriv gha tisov tighita. Zeran tawe, katini tilepleep soone. Ve siriv timaat wa. ⁷ Ra ivot to Yakobus *

* **15:2:** Ro 1:16, 11:22; Hib 3:14 * **15:3:** Is 53:5+; Ga 1:4; 1Pe

2:24 * **15:4:** Lu 24:46 * **15:5:** Mk 16:14; Lu 24:34+; Yo 20:19

* **15:7:** Yakobus tane, ene Yesu taazi.

gha ighita. Mako ila ivot muul to mbanjoona tooni tisov. *

⁸ Yes mbanjoona tooni tisov tighita ve ilam ilam le murei, ra ivot tsiau gha anag naghita paam, ve isov. Onoon, yau namin mbanjoona tooni itaghon eez ite pa mbanjoona siriv. Yau namin tamtamon tau tiina ipoopa ila saawe tooni duduun mako. † *

⁹ Mbanjoona tisov to Krisi ezazi iliiv ghau. Onoon, yau mbanjoona tooni paam. Eemon naghita taug naghe yau poiag irau to tiwaat ghau tigue mbanjoona to Krisi mako. Pa muun, naghur patanjani naol pa Maaron lupuun tooni. *

¹⁰ Eemon poia to Maaron itoor ghau, tauta namin mbanjoona to Krisi ve aazne nataghon ngar tooni. Poia tooni iza tsiau sorok mako. Ighur anoonja. Pasaa, yau naghham katin uraat le naliiv mbanjoona tisov. Eemon yau taug mako. Poia to Maaron igheen tsiau, tauta ipapalot ghau gha naghhamgham uraat tane. *

¹¹ Tauvene isaav ighe yau, ma mbanjoona siriv nivotia vaaru poia pa tamtamon, ene yei nisov nisasavia saveen tauvene pa mateegh ve burigiin to Yesu Krisi. Ve saveen tane, tauta yam aloonja gha aghur ila.

Maaron pale ipaburigin yes mateegha

* **15:7:** Mban 1:3+ † **15:8:** Saawe tau Yesu ilepleep izi taan, mbanjoona tooni siriv tilaghlaagh tomania. Tauvene tighita uraat tooni ve mateegh tooni paam. Ve saawe tana, Yesu ighur zi timin mbanjoona tooni. Eemon Paulus, i ilaagh tomani zi mako. Yesu imuul izala pa sambam ve murei ra, ivot to Paulus ve ighuru imin mbanjoona tooni. * **15:8:** Mban 9:3+; 1Kor 9:1 * **15:9:** Mban 8:3; Ga 1:13; 1Tim 1:13 * **15:10:** 2Kor 11:5, 23, 12:11+; Kol 1:29

¹² Yei nivovotia saveen pa tamtamon tauvene: “Maaron ipaburigin Krisi pa mateegh wa.” Ighe tauvene, puughu mindai ta tsiam siriv tighe Maaron irau ipaburigin yes mateegha mako? *

¹³ Aghita. Isaav ighe saveen toozi tawe onoon, ve mateegha irau tiburig mako, na Krisi paam, Maaron ipaburigini pa mateegh mako. ¹⁴ Ve ighe Maaron ipaburigin Krisi pa mateegh mako, na saveen tau yei nivovotia ne, ene saveen sorok. Le anoonja mako. Ve ghuruun ila tsiam paam, ene gabua sorok. ¹⁵ Ve gabua ite. Isaav ighe Krisi iburig pa mateegh mako, ene yei tane nigham karom payam pa Maaron eeza. Pasaa, nipariaan tamtamon to tighur ila tighe Maaron ipaburigin Krisi pa mateegh wa. Eemon isaav ighe saveen tsiam tana onoon, ve mateegha irau tiburig mako, ene Krisi paam, Maaron ipaburigini pa mateegh mako. ¹⁶ Nayol saveen tsiau muul. Isaav ighe mateegha irau tiburig mako, na Krisi paam, aat Maaron ipaburigini pa mateegh mako. ¹⁷ Ve ighe Maaron ipaburigin Krisi pa mateegh mako, ghuruun ila tsiam, ene gabua sorok. Le anoonja mako. Ve sosor tsiam ighengheen soone. ¹⁸ Ve yes tau tighur ila to Krisi ve timaat na, yes paam tilalez wa. ¹⁹ Iit taghurghur mataan pa burigiin to yes mateegha ve lepoogh poia tau pale Krisi igham pait. Eemon isaav ighe saveen to lepoogh tawe, ene onoon mako, ve taghurghur mataan pani sorok, ene takaria tauun wa. Pasaa, saawe tau taleep izi taan, iit tabadbaad patanani naol. Tauvene tamtamon aat lolozi isaghatin ghiit iliiv

* **15:12:** Mban 2:32, 4:33, 5:30+

tamtamon tisov to taan tau tileep saghat na.

²⁰ Eemon mako! Maaron ipaburigin Krişi pa mateegh wa. I imin aniiñ maata tau imatuugh ila uum imin maata. Pasaa, i ta imuun pa mateegha tisov tau pale tiburig pa Mboñ Murei. *

²¹ Aghita. Muun, ñeer ee ta imin eez pa mateegh ivot. Burigiin to yes mateegha tauvene paam. Neer ee ta imin eez pani gha ivot. Ene Krişi. *

²² Iit tamtamon tau tavot ila to Adam na, tasov taleep ila sosor tooni loolo. Tauta iit tasov tamatmaat. Ve yes tau timin Krişi le ve tileep tunja ila tooni na, tauvene paam. Murei, Maaron pale ipaburigin zi tisov, ve tileep matazi yaryaare.

²³ Eemon tamtamon tisov aat titaghon saawe toz toz. Krişi ta iburig pa mateegh imin maata. Ve tala tala le saawe tau ighe i imuul ilam, mako tamtamon tooni tisov anazi tiburig. *

²⁴ Gabua tawe isov, mako taan saawe ivot, ve i pale ipasov yes pooza, ve daaba tisov tau ezazi tintiina, tomania gabua isov tau tapirizi tiina na, le tisov tilalez. Mako ipul uraat to ghamuun pooz imuul ila Taama Maaron niima. ²⁵ Pasaa, Krişi aat igham pooz itaghon Maaron ñgar tooni le irau itatan koiña ve tapirizi isov kat, ve ivaghaaz zi ila aaghe saamba. *

²⁶ Ve koia tau pale ipasovu murei geeg, ene mateegh. *

²⁷ Maaron aliinja tau tiboode na isaav ighe:

* **15:20:** Mbanj 26:23; Kol 1:18; 1Pe 1:3; Syg 1:5

3:1-19; Yo 11:25; Ro 5:12+

* **15:23:** 1Tes 4:15+

* **15:21:** Gnp

* **15:25:** Mbo

* **15:26:** 1Kor 15:54-57; Syg 20:14, 21:4

“Maaron ighur gabua tisov tileep ila i saamba wa.” Onoon, saveenj tane isaav ighe gabua tisov tileep ila Krisi saamba. Eemon Maaron, i ileep ila Krisi saamba mako. Pasaa, i ta ighur gabua tileep ila Krisi saamba. *

²⁸ Murei, saawe tau gabua tisov tileep duduun ila Naatu saamba, Naatu pale ighur tauu ila Taama Maaron saamba. Leso Maaron imin daaba pa gabua tisov, ve inginiir zi.

²⁹ Laak, naghe naghason gham. Isaav ighe mateegha irau tiburig mako, puughu mindai ta yam siriv aghe agham mateegha tsiam niazi, ve tigham yaa payam? Aghamgham ngar tana pasaa? Pale iuul zi mindai? ³⁰ Ve puughu mindai ta saawe isov, yei nibadbaad patanjani pa Krisi eeza, ve nireirei taumai pa zaab. *

³¹ Yam tonvetaz, yam agham ghau lolog poia pasaa, uraat tsiau ighur anoonja ivot ila sosomim gha amin Tiina toit Yesu Krisi le wa. Ila i maata, yau nasaav ghazonja payam naghe: Mateegh inajarui ghau irau saawe. *

³² Isaav ighe yau nataghon ngar to tamtamon mon pa uraat tau naghamghamu ne, puughu mindai ta narei taug gha yenza gabua sagsagna niparav izi nugh Epesus? Yau naghe nagham saa kat, ta nabaad patanjani tawe? Isaav ighe mateegha irau tiburig mako, o tambaano. “Taghanghan, taghunghun, ve tail leen lepoogh poia izi taan. Pa bogzo ma ezau gha tamatmaat.” *

* **15:27:** Mbo 8:6; Mt 28:18; Hib 2:8; 1Pe 3:22 * **15:30:** Ro 8:36;
 2Kor 11:26 * **15:31:** 2Kor 4:10+ * **15:32:** Mbanj 19:23+; 2Kor 1:8

³³ Yam ayamaan gham. Apul tamtamon titommbaan gham sov!

“Pa ighe iit tau tataghon ngar poia ne, tapaak zeran sasaghati, ene pale tiyes ghiit pa ngar toozi, ve ngar toit isaghat paam.”

³⁴ Ngar tsiam ikaukau irao! Agham ngar poi, ve apul ngar sasaghati ileple, ve ataghon ngar tau iduduun ila Maaron maata. Yau nasaav ghazonja payam: Mayamim. Pasaa, yam siriv awatagh Maaron rigta mako.

Anonjaan paaghu pale ariaanja ve irau isaghat mako

³⁵ Aiyo. Tamtamon eta aat ighason ghau tauvene: “Isaav ighe Maaron ipaburigin yes mateegha, pale ipaburigin zi mindai? Ve saawe tau tiburig, pale igham lezi anonjazi paaghu ghitoonja mindai?”

³⁶ Yo borau! Lem ngar mako! Ughita. Isaav ighe tavazogh gabua eta uuve, ene aat uuli imbuuz gha ilale, mako paaghu tooni itum izaa. *

³⁷ Ve isaav ighe tavazogh wit, ma gabua ite paam uuve, ene pale paaghu tooni tau murei itum izaa na ghitoonja raraate imin uuv tau tavazoghi ne mako. Pale ghitoonja ite. ³⁸ Ve Maaron igham gabua tau tavazogh zi na titum tizaa, mako enjaenja tighur ayazi, bogazi, rauazi, runguzi, ve anonjazi itaghon i tauu ngar tooni.

³⁹ Gabua tau tileep izi taan ne, mizazi raraate mako. Iit tamtamon mizaan ite, ngai toozi ite, man toozi ite, ve iigh tauvene paam, mizazi ite.

* 15:36: Yo 12:24

⁴⁰ Ve gabua tau tigheen ila sambam saamba na, anonazi ite. Ve gabua to taan, anonazi ite. Ve gabua to sambam saamba pabodenazi ite pa gabua to taan. ⁴¹ Aaz mbonari, ene ite pa kaiyo mbonari. Ve pitum tauvene paam. Mbonarizi ite pa aaz ve kaiyo mbonarizi. Ve pitum tisov raratezi mako. Pitum enjaena mbonarizi ite ite.

⁴² Burigiin to yes mateegha, ene ngara raraate. Isaav ighe tamaat ve titavi ghiit, ene anonaan izila taan ve imbuuz gha ilale. Eemon saawe tau Maaron ipaburigin ghiit pa mateegh, i pale igham leen anonaan paaghu. Anonaa paaghu tana pale ariaana ve irau isaghat mako. ⁴³ Anonaa tau titavia izila taan, ene ghitoona poia geeg mako. Eemon murei, saawe tau Maaron ipaburigin ghiit pa mateegh, i pale igham leen anonaan tau poia le poia kat, ve mbonari tiina. Anonaa tau titavia izila taan ne, le tapiri mako. Eemon saawe tau Maaron ipaburigin ghiit pa mateegh, i pale igham leen anonaan paaghu tau le tapiri tiina. *

⁴⁴ Anonaa tau titavia izila taan, ene gabua to taan. Eemon saawe tau Maaron ipaburigin ghiit pa mateegh, ila Maaron Avuvu tapiri, iit pale tagham leen anonaan paaghu tau irau to ileep izi sambam.

⁴⁵ Maaron aliina tau tiboode na, isaav ighe:

“Adam, neer tau Maaron ighuru imin maata na, iburig imin tamtamon, ve maata iyaryaar.”

*

* 15:43: Mt 13:43; Pil 3:20+; Kol 3:4 * 15:45: Gnp 2:7

Ve Adam ite tau ivot murei †
na, i Avuvu ta igham ghiit taleep mataan yaryaare
le alok. *

⁴⁶ Tauvene neer to sambam imuun mako. Neer to
taan tomania taan lepoogha ta ivot imin maata.
Ra neer to sambam ilam tomania lepoogh paaghu
to Maaron Avuvu. ⁴⁷ Adam tau ivot imin maata na,
Maaron igharaata pa taan. Tauvene i tamtamon
to taan. Ve Adam ite tau imin ru, i ileep nugh
sambam ve izilam. *

⁴⁸ Tamtamon tisov to taan, anonazi ve lepoghazi,
ene imin neer to taan tau Maaron ighuru na. Ve
yes tau pale tileep izi nugh sambam na, anonazi
paaghu ve lepoghazi, ene imin Neer tau ileep sam-
bam ve izilam. ⁴⁹ Aazne, lepoogh toit, taleep imin
neer to taan tau Maaron ighuru na. Ve murei
tauvene paam. Iit pale taleep imin Neer tau ileep
sambam ve izilam na. *

⁵⁰ Yam tonvetaz, yau nasaav payam tauvene:
Anonaaan to taan, ene irau igham lepoogh to nugh
sambam mako. Pasaa, gabua to nugh sambam
irau isaghat mako. Tauvene gabua tau isasaghat
imin anonaaan to taan, ene irau igham lepoogh to
nugh tawe mako. Maaron aat igham leen anonaaan
paaghu, o tagham lepoogh tawe. *

† **15:45:** Adam ite tau ivot murei na, ene Kisi. Ves 47 iwaato ighe:
“Adam ite tau imin ru na.” Saveen tane, ngara tauvene. Adam tau
ivot imin maata na, iit tasov tavot ila tooni. I puughu toit. Tauvene
saawe tau i igham sosor, iit taleep ilon ila sosor tawe paam. Kisi
tauvene paam. I puughu to lupuun paaghu, ene yes tamtamon
tooni. Yes tau tipaako na, tileep ila mateegh ve burigiin tooni loolo.

* **15:45:** Yo 5:21, 24; Ro 5:15+ * **15:47:** Gnp 3:19; Yo 3:13, 31

* **15:49:** Ro 8:29+; 1Yo 3:2 * **15:50:** Yo 3:5+

Maaron igham ghiit taliiv mateegh

⁵¹ Aloonj. Yau naghe napaghazonj ai gham pa gabua ee tau muunj iyoonj, ve aazne Maaron isavia ivot ighazonj. Tamtamon to it siriv aat timaat mako. Pasaa, saawe to Mbonj Murei, Maaron pale itoor ghiit tasov ve tagham anonjaan paaghu.

⁵² Tavuur tau Maaron ighuru to itanj murei geeg na, pale itanj, ve rekia mon Maaron ipaburigin yes mateegha, ve igham lezi anonazi paaghu tau irau isaghat mako. Mako iit tau tamaat soone ve talepleep ne, anaan, Maaron pale itoor ghiit, ve igham leen anonjaan paaghu. *

⁵³⁻⁵⁴ Pasaa, anonjaan to taan tau tisaghat gha timaat ne, Maaron aat itoor zi. Leso timin paaghu, ve irau tisaghat, ma timaat muul mako. Gabua tane ighe ivot, ene pale Maaron aliinja ziiri ee tau tiboode na, ighur anoonja. Isaav tauvene:

“Maaron iparav ariaanj, tauta iliiv mateegh tapiri, ve ipasovu le isov kat.” *

⁵⁵ “Mateegh, tapirim to uliiv ghei igheen sindei? Aa mateegh, iiz tsio to ungal ghei pani ne, igheen sindei? Mako.” *

⁵⁶ Pasaa, iiz to mateegh, ene ngar saghati. Ve ngar saghati ighamgham tapiri ila tutuun. *

⁵⁷ Eemon iit tapait Maaron toman loloon poia! Pasaa, ila uraat to Tiina to it Yesu Kriisi, Maaron igham ghiit taliiv ngar saghati ve mateegh. *

⁵⁸ Tauvene yam tonvetaz tau lolog igheen tsiam kat na, yau nasaav payam: Ayooz ariaanj, akis

* **15:52:** Mt 24:31; Pil 3:21; 1Tes 4:15+ * **15:53-54:** Is 25:8

* **15:55:** Hos 13:14 * **15:56:** Gnp 3:3; Ro 4:15, 5:12, 7:9+

* **15:57:** Ro 8:37; 2Kor 2:14; 1Yo 5:4+

ghuruunj ila tsiam tunja, ve apul taumim kat pa uraat to Tiina toit irau saawe. Pa yam awatagh: Isaav ighe i ileep tomani gham pa uraat tsiam, na yam arav taumim sorok pa uraat mako. Uraat tsiam pale ighur anoonja. *

16

Paulus ipalot yes Korin to tiuul zetazja tau tileep izi Yerusalem na

¹ Aiyo, yau leg saveen rig payam pa maet tau aghe agooga pa Krisi tamtamon tooni tau tileep izi Yerusalem na. Yau naghita eez tau naghuru pa lupuunj to Maaron tau tileep izi taan sirivu to Galesia na, yam ataghoni paam, o poia. *

² Saawe imin maata to wik tisov, na yam enjaenja aat aghur maet tsiam siriv ila soghan itaghon uraat tsiam atuya. Leso ivot imin tiina ve isanjan pa saawe to nalat. Ataghon alinjag tane, o poia. Pa ighe nalat ve agooga soone, ene poia mako. *

³ Ve aghur tamtamon tsiam siriv tau aghit zi aghe tirao, lesa tigham maet tau agooga na ila pa tonjetaz toit tau tileep izi Yerusalem. Saawe tau nalat, yau aat nabood rau siriv imin paesiin pazi, lesa tikis zi ve tila. ⁴ Ve isaav ighe naghita naghe poia to yau paam nala, ene aat yenja nila.

Paulus ipaesia laghoonj tooni

⁵ Yau naghama ngar naghe nala naghita zetaannja siriv tau tileep irau taan sirivu to Masedonia. Tau-vene yau aat nala naghit zi muun. Le isov, o nalat

* **15:58:** Ga 6:8; Hib 6:10; Syg 14:13 * **16:1:** Mbanj 24:17; Ro 15:25+; 2Kor 8:1+ * **16:2:** Mbanj 20:7

naghit gham. ⁶ Ve naghe naleep tomani gham malau rig. Tauvene matag ingal naghe naleep tomani gham le saawe to nugh yaunja isov, o yam irau aghit ghau pa laghoonj tsiau, ve aghur ghau nala pa nugh sindei tau naghe nala pani. ⁷ Lolog pa nagig gham mon ve nala mako. Tauvene isaav ighe Maaron loolo tauvene, ene aat itinja taleep malau rig. ⁸ Eemon irau nala Masedonia rekia mako. Pale naleep izi nugh Epesus le irau lupuun tiina to Pentekos ivot, o nala. ⁹ Pasaa, Maaron ikaak eez payau to nagham uraat tiina izi ta sene. Ve naghita naghe uraat tsiau ighurghur anoonja. Eemon eval tiina tizorzoor saveenj tsiau paam. *

Paulus ipaes pazi pa Timoti gha Apolos

¹⁰ Isaav ighe aghita Timoti ilat peria tsiam, na aghamu toman lolomim poia. Leso saawe tau ileep tomani gham na, iroi sov, ve loolo poia. Pa i ighamgham uraat to Tiina toit Krisi, raraate imin yau. *

¹¹ Tauvene tamtamon eta maata veleghini sov. Ve saawe tau i ipaburigin laghoonj tooni muul na, yam auule, ve aghuru toman loolo poia, ve imuul ilam tsiau. Pa yau nasasanjani tomania tonvetaz toit siriv.

¹² Ve tonvetaz toit Apolos, saawe naol yau nasavsaav ariaan pani naghe yesja tonvetaz toit siriv tilat tighit gham. Eemon loolo pa ilat pa saawe tane mako. Pale ighita sooso eta, o ilat ighit gham.

Paulus iparwai saveenj tooni

* **16:9:** 2Kor 1:16; Kol 4:3; Syg 3:8 * **16:10:** 1Kor 4:17

13 Matamim imomoos poi, ve ayooz ariaan pa ghuruun ila tsiam. Aroi sov. Apariaan taumim, ve ayooz tunja. *

14 Ve saa ngar tau yam aghe aghamu, na aghamu itaghon ngar to loloon pa tamtamon. *

15-16 Yam awatagh: Stepanas ve yes tau tileep tomania ila ruum tooni na, timuun pa yam Akaia asov, ve tighur ila to Kresi imin maata. Ve yes tirei tauzi kat pa uraat to Tiina toit, ve tibesbees poi pa tamtamon tooni. Zeran tauvene, tomania tamtamon tisov tau tiuluul zi ve tipul tauzi kat pa uraat to Maaron na, naghe napalot gham to aleep ila sambazi, ve aloon alinazi. *

17 Saawe tau Stepanas tomania Fortunatus ve Akaikus tilam tivot tsiau, yes tigham ghau lolog poia kat. Onoon, yam eval irau alam mako. Eemon yes tigham naghomim gha tilam tivot sene, ve tiuul ghau pa gabua siriv. 18 Tauta tipalot ghau ve tigham ateg izi, imin monmon tighamgham payam na. Tamtamon tauvene, yam aat apakur zi.

19 Lupuun tisov to Kresi tau tileep izi taan sirivu to Asia ne, tigham aaz poia toozi ilat payam. Akwila yesuru Prisila tomania yes tau tiluplup zi pa sunuun ila ruum toozi na, lolozu igheen tsiam kat. Tauvene yes paam tigham aaz poia toozi ilat payam ila Tiina toit eeza. *

20 Ve tonvetaz to Kresi tau yenza nilepleep ne paam, tisov tigham aaz poia toozi ilat payam.

* 16:13: Mbo 31:24; Ep 6:10 * 16:14: 1Kor 13:1+; 1Pe 4:8

* 16:15-16: 1Kor 1:16; Pil 2:29; 1Tim 5:17; Hib 13:17 * 16:19: Mban 18:2, 18, 26; Ro 16:3, 5

Yam asov tonvetaz to Kriisi. Tauvene lolomim poia pa taumim ve avataki nimamim. *

²¹ Ene yau Paulus. Nabood aaz poia tane ilat payam pa taug nimag. *

²² Isaav ighe tamtamon eta loolo pa Tiina toit mako, ene pale aatyavyav to Maaron izaa tooni.

O Tiina tsiei, ulam lak! *

²³ Poia to Tiina toit Yesu igheen tomani gham.

²⁴ Yau lolog igheen to yam asov. Pasaa, Yesu Kriisi ilup ghiit ve taleep ila tooni.

* **16:20:** Ro 16:16 * **16:21:** Kol 4:18; 2Tes 3:17 * **16:22:** Paulus ibood ziiri tane ila yes Aramea alinjazi. Isaav ighe: 'Marana tha'.

Maaron Saveen Tooni Patabuyaana
The New Testament and portions of the Old Testament
in the Tuam dialect of the Saveeng language of Papua
New Guinea. The Saveeng language is also called the
Mutu language.

Sampela hap Buk Baibel long tokples Saveeng Tuam
long Niugini.

copyright © 2011 Wycliffe Bible Translators, Inc.

Language: Saveeng (Mutu)

Dialect: Tuam

Translation by: Wycliffe Bible Translators

This translation is made available to you under the terms of the Creative Commons Attribution-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not make any derivative works that change any of the actual words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2017-08-31

PDF generated using Haiola and XeLaTeX on 11 Nov 2022 from source files dated 9 Oct 2020

adb844f0-d769-5b05-9dd0-7c01fca938bb